

又臺新志

第四冊

(24948)

五臺新志卷四

山西書局

五臺縣知縣王步墀續輯

人物續

續書之體規規前修義例所存必歸一是前書於
人物以仕未仕分先後秩然具備其人物外所
鄉善一門有錄無書意在舉舊志之孝弟義行
入此篇俾有所統非有所軒輊也而論者疑焉
以五善旌賢同於九等第人豈其然乎今賡續前
書於已仕未仕皆不無增益鄉善則仍其目補輯

山西書局
地方文獻

如例而統名爲人物續連綴成篇夫名位不同樹立自異要其所表見均足爲後來勸矣科目題名前書徑闕亦攬附篇末畧如名宦之補官師宋潛溪記浦陽人物有斯例也

出仕

國朝王之翰字瀛字五臺南頭村人前書附見子公維傳之翰性仁厚有盛德里中稱爲古君子明季嘗以貢授禹城知縣遇亂棄官歸

國初姜瓖之變土寇蠶起之翰闔門靜坐無犯之者寇平招集流亡教之墾種瘠土皆爲膏壤遇歲饑發粟賑濟全活甚眾善泉五都生聚密如並其澤也鄉有構訟不決者諭以一二言羣拱手服不復更質於官嘗夜行遇盜審視知爲之翰羅拜散去其爲人所

敬服若此卒祀鄉賢

本閭襄王瀛字墓誌魏象樞

元輔王君以從龍舊臣爲兵部員外郎恪恭練事擢吏部考功司郎中前後數年每遇余歡然道故奉手握衣如一日也甲寅之冬君過余邸舍述其尊人瀛字公修德砥行彌老不倦而君以十九歲離兩親十餘年始一覩親母面又遲至丙申乃迎養公於京師丁酉歸里戊戌病卒中間侍膝下者一年耳言之輒不禁淚泫泫覆面也葬於黃金山之陽歲已久矣墓木拱矣而碑志闕焉因以爲請余感孝子之志其曷

忍辭按狀王氏祖籍忻州明成化中遷五臺遂世爲
五臺人曾祖諱明好學力田名載邑乘中生三子長
諱宗貴生二子長諱清號如水孝友醇睦鄉人推爲
祭酒三世皆以文學著稱而如水公以孫貴贈通議
大夫吏部考功司郎中秩三品配尚氏贈淑人亦生
三子長諱之翰卽瀛宇公也以明經筵任禹城有賢
聲無何值流寇亂浩然解組歸日以督課子弟獎掖
後學爲務布衣蔬食儉於自奉每歲所入先急正供
餘悉以調勞乏或葺廢祠收利不以自私里中貧不
能應追呼者輒代輸納姜寇之亂全晉騷動孤城危
於累卵公捐金募壯士爲固守計晝夜枕戈日不交
睫邑獨全公以宿儒起家而遇難慷慨膽決又如此
亂初定人多轉徙開井間然公又多方招來倍牛種
勸開墾拓荒田數百頃活戶口數百家并有大役每
代應以紓民困邑人德之於是尸祝者徧里中矣公
凡三遇覃恩累封通議大夫吏部考功清吏司郎中
秩三品紆金衣繡赫然貴盛顧益謙和卑以自牧人
有相爭不決者公以數言論解皆感服而退偶夜遇

盜初不知爲公及熟視卽相率散去他如捨田以立
義塚煮粥以賑飢寒輸粟濟貧士其誼猶有足多者
鄉飲延爲大賓士庶環橋而觀咸嘖嘖歎希觀焉公
天性篤厚以孝弟教家禮讓訓俗民風爲之一變初
膺封時適居京師元輔具冠服執爵爲壽公誠之曰
吾家世守忠厚祖宗耕讀而外不敢欺一鄉人行一
悖事致有今日受朝廷異數之榮於分足矣其母怠
厥修慢厥職負主恩以負所生元輔再拜受教又數
誦感應篇陰騭錄諸書以訓子孫其明於大義不慕
華靡豈世俗之見所易幾哉公歸甫一歲意忽不怡
遂不起鄉里流涕公舉崇祀鄉賢及今十餘年士大
夫追頌之者不少衰余嘗考漢陳仲弓平心率物有
爭訟輒求判正謂宵爲刑罰所加勿爲陳君所短盜
夜入室起呼子孫而訓戒之盜自投地王彥方之化
鄉人也盜甘刑戮惟畏使彥方知人將就質曲直或
至途而返或望廬而還兩賢風烈輝映先後歎爲殊
絕今觀於公流風蘊義不有同符者耶公生於萬曆
庚寅卒於順治戊戌享年七十元配劉淑人臺邑望

五臺新志卷四
族及笄于歸克嫻內則孝舅姑敬夫子勤儉婉孌百
行無營與公有孟梁之風生於萬曆壬辰卒於崇禎
甲戌享年四十有三其子孫爵位婚配例不書於表
銘曰履道坦坦厥位則豈厥德則豐天聽昭昭慶衍
其後榮被其躬芳型振俗興仁教讓干
秋可風五峯雲表地靈蟠結銘此幽宮

鄭王弼字亮臣五臺小王村人家貧好學性穎悟爲
文有奇氣雍正壬子領鄉薦乾隆丙辰成進士補澤
州府教授遷浙江婁縣知縣爲政簡要案無留牘婁
邑向多冗吏至是無所事咸乞退上官察其能有巨
案輒委令判決遇歲旱蝗先發倉而後請當道嘉之
以爲識大體通權變在官數年循聲大著民作歌以

頌之擢太倉州知州未任而卒

本舊志

徐繼畬字健男號松龕父潤第前書有傳繼畬幼岐
嶷讀書穎悟工屬文年十八補諸生食餼旋登嘉慶
癸酉鄉薦道光丙戌成進士

朝考第一選庶吉士丁外艱服闋授編修轉陝西道
監察御史前後上疏皆關天下大計嘗奏言政體宜
崇簡要祈酌刪部例裁抑吏權

上嘉納之因召對與談時事至爲流涕繼畬受
宣宗知自此始丙申出守廣西潯州府數月擢福建

延建邵道庚子調署汀漳龍道時海疆多事敵艘聚
廈門與漳州隔一水居民日數驚繼畚相機堵禦境
卒獲安總督顏魯巡撫劉次白交章論薦壬寅五月
擢兩廣鹽運使旬日復遷廣東按察使癸卯擢福建
布政使丙午授廣西巡撫是時

上知繼畚可大任故一歲數遷游歷封疆又以海防
初靖撫綏綦要旋調福建巡撫令辦通商事務繼畚
久駐嶺表熟悉敵情得其要領莅任後端嚴持重務
以恩信羈縻體國家休息之意於時各國悅服咸遵
約束部內瘡痍盡復會英吉利使臣詣闕令僦居貨
所令遽給符事關國體繼畚未卽奏罷令遂爲言官
所劾先是繼畚入覲

宣宗詢以各國風土形勢奏對甚悉爰
命採輯爲書書成曰瀛環志畧未進呈而

宣宗升遐至是言者竟以書爲口實

文宗御極召見畢語廷臣曰徐繼畚乃老實人並非
欺詐一流內遷太僕寺少卿會

詔求直言繼畚上三漸宜防疏一曰土木二曰宴安

三五
三曰壅蔽疏入有

旨褒獎是歲壬子科鄉試

特簡爲四川正考官駿復大用矣適以閩撫任內起
解犯官遲延被吏議免歸家居十餘年同治乙丑
詔以京卿陸見派總理各國事務衙門行走旋補太
僕寺卿加二品頂戴居三年以老疾致仕癸酉鄉試
重宴鹿鳴蒙

恩晉頭品頂戴是歲卒年七十九繼畚之被議歸里
也值粵匪北竄當事奏派督辦防堵其後回匪猖獗
復奉督率官紳總辦各府州團防之

命駐太行年餘親歷各要隘所措置悉合機宜沈維
笙協相時撫晉甚倚重之爲人器識深沈行政務持
大體於通商事務尤老成遠慮洞達時勢忠愛出於
天性自受知遇一念報國死生以之不解沽名罷官
歸裝蕭然主講平遙書院以自給父潤第故好陸王
之學幼承其教而務爲博覽記誦無遺所著瀛環志

畧及退密齋詩文制藝並爲世所推重云

本墓志
楊篤太僕

寺卿前福建巡撫徐公家傳公諱繼畚字健男號松
龕五臺人父潤第乾隆乙卯進士同知施南府以理

學名世公其長子也幼穎敏成童工屬文周石芳侍郎督學山西大器之補諸生食饌年十九舉嘉慶癸酉鄉試道光丙戌成進士朝考第一選庶吉士遭父憂服闋授編修轉陝西道監察御史時公釋褐十年矣雖讀書中祕而於部曹事例郡國利病靡不窮研洞曉思有所建白及拜臺諫一月章數上當是時宣宗屢降旨切責內外諸臣空文無實每得公疏必稱善再四風示有位海內翕然想其丰采以爲賈生陸宣公復出也最後論政體宜崇簡要尤切時務疏入上大感動立召對與語移時詢及民瘼至於流涕明日卽擢爲潯州知府甫到官遷福建延建邵道延平於上游四府爲要衝嶺巒盤互奸宄時發道光初總督趙文恪公設法懲治始少戢公申明條約督所屬實力奉行巨盜某尤梟黠蹤迹詭密屢捕弗獲公一夕偵知所在掩擒之並其黨數人生磔諸城門見者股慄比去任境內肅然海防事起庚子四月敵艘駛入穿山洋入閩騷動乃調公署汀漳龍道甫至而廈門告警距漳七十里居民日數驚公連

夜購大木爲排椿塞鎮門各港扼險固守敵知有備不果犯旋舍廈門去事平擢廣東鹽運使未至改按察使癸卯遷福建布政使丙午授廣西巡撫未至復調福建公旣久駐嶺表益究心洋務於外國山川道里政事風俗一切戰守之勢張弛之宜無不瞭然心目如聚米畫沙燭照而數計旣受事則堅守要約疏闢節目務以恩信相繫廉通商諸國咸傾心嚮慕商民輯睦侯官林文忠公時督雲貴聞之弗善也及歸里倡議盡驅西商出城責公畏憚公不之辨發數難曲詢之林亦不能答也意稍解而閩之新進喜事者日相與媒孽競爲蜚語聞都中同官皆爲公危公屹不動始公入覲時宣宗詢及海外形勢各國風土公具以對遂命纂書進呈公歸未嘗以語人及書成曰瀛環志畧未表進而宣宗升遐至是言者撫中外交涉事効公並指是書爲口實欲中以奇禍文宗旣召見知公無他顧左右曰徐某乃老誠人何謂欺詐命留京供職補太僕寺少卿公念上方初政當以養德爲先上三漸宜防疏一日土

木之漸。二曰宴安之漸。三曰壅蔽之漸。特旨嘉獎。命書之屏風。置座右。是歲咸豐壬子鄉試。卽簡公爲四川正考官。異數也。試畢未復命。以前在福建起解犯官遲延。再被議落職。公自居臺諫。迄膺方面。一歲或數遷。莅職皆不久。卽去。獨撫閩五年。與洋務相終始。遇事持大體。具卓識。不以小數活名。激切聳眾。有所善。盡動出萬全。議者未能深悉。及不安於位。而天下益以多故。乃歎服爲不可及。家居十餘年。值粵逆北犯。當事奏派督辦防堵。旣而陝豫軍並興。復奉命總辦各府州團練。同治四年。詔有司趣之入朝。兩宮皇太后慰勞甚至。授太僕寺卿。通商衙門行走。以前在籍團防。功給二品頂戴。尋充總理同文館事務。大臣居三年。以老乞致仕。優詔許之。歲癸酉。距公御舉六十年矣。故事。重宴鹿鳴。大吏先期奏聞。賞加頭品頂戴。其年七月卒。年七十九。公偉軀幹。言詞樸訥。性強記。於書無所不讀。爲文博大。閱深。制舉業尤成一家。言詩爲當代宗工。年六十始爲詩。具張王體格。每一篇出。人爭傳誦。遇人甚和易。而

耿介自信。在翰林口時。相慕其名。屢招致之。卒不往。罷官。不名一錢。主講平遙。資脩脯。以給平生論學大旨。以不欺爲本。忠愛特出於天性。其再出山。年踰七十矣。自知衰老。願以受先帝知遇。冀得展布所蓄。因時補救。及見事勢大異。則感歎歔歔。鬱鬱不自得。然各國使臣聞其至。皆額手相慶。爭先覲面。或攜榼酒造邸。爲壽國之君主。亦時寄聲訊起居。其敬服若此。而所著瀛環志畧。中外刊布。羣奉爲指南云。楊篤曰。余讀林文忠公使粵奏稿。輒歎以彼其才。不竟於用。讀公書。又疑之。乃曉然於地勢敵情。與事變之所由來也。兩公深謀遠慮。持論不同。而爲國之心。則一其時士大夫。願多是文忠而非公。果何如哉。果何如哉。洪逆旣熾。朝廷與文忠以討賊之任。未至而卒。海內尤同聲痛惜。謂爲生民之不幸。而不知公之身係安危者。其事又相若也。初宣宗旣簡公撫粵。西旋命鄭祖琛撫閩。粵西地褊狹。獨撫臣以歲食潯梧關稅。稱廉仕。鄭時相門人也。意有所屬。乃於上前盛稱公才。謂粵幸無事。閩方通商。宜兩

易公行至潮州而膺新命鄭素奉佛既撫粵日持齋戒殺遇會匪劫盜專務姑息不以實奏洪逆遂無所忌而難作矣雖創鉅者潰或遲痛深者愈難速然使公當之必不匿情畏事釀患若是其極論者徒冀幸於功成不追維於禍始天下既定更無言及之者吁曲突徙薪無勞可見而况其在幾微之先乎余故備著之以俟後之知人論世者

王丕顯字伯康號西樓貢生升之長子也幼聰穎眸炯炯射人家貧溺苦於學夜讀不得油恆然香以繼弱冠舉道光乙酉鄉試第一癸巳成進士以知縣分發浙江歷宰烏城富陽桐廬精明諳練所至有聲桐廬有蠹吏爲一方害憲官皆無如何丕顯至暴其惡

痛繩以法台境稱快烏城女子賽金者其母不貞所私者謀並污女百方誘脅不從乘閒強劫之女遂自盡己瘞矣丕顯訪得其實按論如律女以烈得旌屢與浙闈分校一時名士多出其門署長興時整新學校愛養士民尤多政績縣人爲製十奇之謠丁父憂歸以母老遂不復出家居課訓生徒讀書自樂踰十年卒

本採
訪冊

李永清字定軒號思皋東治人武舉成蹊次子也幼穎敏好學初應童子試卽有文名弱冠補弟子員食

廩餼潛心舉業從忻州孔舟山舍人遊舟山山石名
宿精儀禮永清受學有年學業大進道光乙酉膺選
拔朝考列二等以教職用選岳陽教諭之任後整
厲學規激勸諸生多士翕然宗之尋謝病歸讀書益
勤壬辰舉於鄉戊戌成進士引見以知縣用分發
山東是時捐例方盛仕途龐雜需次人員多夤緣徑
竇慨然曰吾安能爲此哉賦未仕已仕二篇歷道仕
途情狀卽引病歸家居教授從遊日眾性和易無崖
岸而制行方嚴人無敢狎以非義生平精勤學業於

俗無所好年垂耄老猶恂恂如弟子所著有味靜軒
詩文太僕徐松龕爲序而行之

本採
訪册

張志賢字希甫號靜山橫嶺村人道光丁酉由副貢
領鄉薦大挑列二等賦性敦厚清介自持其學問本
原恪遵程朱尤精心於近思錄爲文矩矱先民一語
不苟從遊者多所成就咸豐四年督辦長城團務勤
心防禦安堵無驚敘功補和順縣訓導前署朔平教
授教育多方士風蒸蒸日上至今猶稱頌不衰云

本採

訪册

王作哲字舜臣號西園走馬嶺村人運元曾孫性英敏讀書過目成誦甫屬文卽嶄然見頭角雍正己酉薦於鄉困公車者二十年閒居靜讀學業日臻乾隆戊辰成進士任直隸內邱縣興利除弊俱愜民心有清慎廉明慈祥愷悌之譽淡於勳名不樂仕進改授平陽府教授以課讀自娛士風丕變年五十七歲卒內邱進士朱璠圖等思棠陰遺愛公請從祀名宦

本採

訪冊

鄭事天小王村人由歲貢生任陝西苑馬寺監正明

季歸隱居青山下讀書自娛不談世務順治六年大同總兵姜瓖叛盜賊蠡起以應之而邑境尤多土寇肆行劫掠禍及梓鄉時縣令吳公守城嚴密門不啓事天縋城入議捕率鄉眾助之攻搗其巢穴匪無所容遠遁其餘黨散歸田里境賴以安仍閉戶諷哦云

本採訪冊

未仕

國朝張其綱字子立明末歲貢性嚴正好義動必以禮就家築館延師教四方讀書之無力者得入舍卒

業行旅困乏投其門無不優養或贖以資鼎革時盜四起剽掠至其里家人告之曰吾主人田舍家所有惟菽粟然已散之鄉里矣盜相顧引去未幾卒疾篤語其子燠燠曰安貧樂道一生受用不盡吾所爲非自高也鄉人皆爲流涕題其墓曰古君子子燠前書有傳燠字孔榮少嗜學與兄齊名潛研性理湛然具心得由歲貢選大同訓導世稱龍潭先生

本舊志及採訪冊

毛思憲字邦公毛家村人年十二通七經未冠補弟子員邑宰王秉韜闢崇實書院講古本大學思憲以

名諸生與焉與進士徐潤第並研求性理躬行實踐同學推爲祭酒爲文渾灑有蘇氏法終身困名場晏如也晚年猶懸李二曲坐功圖於壁環堵中蕭然自得年七十九卒徐潤第爲作老年進學記推稱甚至

本敦艮齋遺書及採訪冊

謝瑚字石珊東冶鎮人性嚴介劬學嗜古勤苦至忘飲食舉道光乙未鄉試自以年踰強仕不復營情利嶽主講崇實書院教以身先經其造就皆敦篤有法度士林至今頌之

本採訪冊

李朝臣字叔帶號青巖陳家莊人嘉慶中武舉有儒風寬能容物性慈惠好施予家素封道光十二年出儲粟賑飢一鄉無流亡者學岐黃術延請無遠邇必應並施藥餌五十年不懈全活甚多

本採訪册

王之藩東馬村人歲貢生性誠篤樸質無華嚴正有度博聞強識善屬文成一家言教授生徒多所成就

爲士林推重

本採訪册

鄭雲梯字季青小王村人恩貢生性端方介然無苟善承親志博歡顏學務實獲其讀書自箴錄有立足

怕隨流俗轉存心學到古人難佩紳兩語今仍在屆此髦年敢自寬之語設帳授徒悠然自得年踰七旬

卒邑進士徐繼畬贈以文序其學行甚詳

本採訪册

王升字上達號槐園松臺村人幼貧耕讀兩治早失怙恪遵母訓爲秀才時設館東冶從學日眾經裁成悉變化先後入庠序者五六十人其子弟擢巍科膺選拔遊泮宮者九人王氏自忠烈翁仁厚傳家升尤能恢宏祖德道光中歲屢歉升倡捐粟米賑濟一鄉家本拮据以館俸供食指而嫻鄰有急難身任不辭

其病無藥喪無棺者悉助之長子丕顯作會於浙稍
稍得祿養而河潤益廣遇負心不較付之一晒故升
既卒而遺債且數千金由廩膳貢成均以長子貴勅
封文林郎晉封奉政大夫七十三歲卒

本採訪册

韓國棟字幹材號兀峯環堵坪人才穎悟過目成誦
工書法道光中歲貢生父病痿侍養十一年朝夕無
怠父歿設館東治從遊日眾有貧不能讀者愛其木
給粟米賑之曲成後進婆心乃爾八十三歲卒

本採訪册

劉遇熙字緝齋號桐庵上耿家莊人早失怙家貧力

學道光丙午領鄉薦主講繁峙北靈書院以端方式
士林性喜靜屏棄俗緣縣令余公有未獲覲面之憾
嘗嚴內省喜聞過以謙受益時將易簣屬其子曰有
問我生平者庸碌無長盡之矣其虛懷若是

本採訪册

羅周典字郁文號石橋國都殿人穎悟絕倫博聞廣
見善屬文自成一體幼入邑庠未博一第後以
覃恩作鄉貢循循善誘成就多人性剛直無少依阿禮
法自持不苟言笑有構訟不決者得一言立解悟鄉
人行止不端避不敢見其爲人所欽服若此

本採訪册

鄉善

明石會林泉村人，性至孝。父歿，哀毀殆不勝喪。既葬，廬墓三年。母喪如之。子崙，諸生也。亦以孝聞。會卒後，廬墓如其父。時有白兔往來，夜必同宿。時人稱爲孝。感贈以詩云：父孝傳兒孝，新廬接舊廬。荒山雖寂寞，仰不愧長虛。蓋紀實也。舊志

楊時倫，柏蘭里人。父疾，禱於神，願以身代，持齋三年。疾果愈。孫忠靖，傳庭爲作孝行記。記曰：公諱時倫，字之柏，蘭里人。先世大同府朔州馬邑縣。始祖有材，徙五臺，歷七代而生海海生公。公性沖和，制行淳厚。惟

農畝布衣，而一種純孝可風。而未季所罕觀者，余與公長孫雅稱莫逆交，故乞文於余以誌墓。余敢實錄焉。公因父疾，禱於神，願以身代，持齋三載，父疾果愈。壽增一紀。事母勤，視問俱甘旨，享年八旬有四。其教子也，溥暑給饌，大寒給薪，歷久不厭。是以夙無簪纓，而子伯仲，全年遊津，叨廩祿，歷選舉，孫枝亦皆翩翩者。起方興，未艾。公將集全福於幽壤矣。嗚乎！終身慕父母，孝之大也。一經訓子孫，孝之永也。異日玉樹聯芳，金章寵賁，光前而裕後者，孰非公孝德所醞釀哉？語云：本固者枝必茂，源深者派必長。余於公信之，不誣已，是爲記。

解震，縣學生，進士璿之孫也。性至孝，居父喪，哀毀踰禮。既葬，廬於墓側，骨立雞斯。三年如一日。代州進士王辨嘗贈以文，序其行甚詳。序云：孝爲百行之本，萬善之源。故孝至於天而

日月爲之明，孝至於地而醴泉爲之出，以至化強暴格鳥獸，孚草木，何莫非一孝之所感召哉。曾子曰：人未有自致者也，必也親喪乎。觀於臺陽解孝子可知矣。孝子解氏，名雯，字天章，自高祖知崞州，得古儒籍，曾祖洪武初爲學官，祖瑒登永樂辛丑進士，父明德爲陝西判簿，累世簪纓，清白相繼，忠孝相傳，故於詩禮之誨，聞之熟而究之深矣。壬辰歲，北堂萱萎，解君哀毀骨立，喪葬祭奠，悉合禮文，築室冢側，朝夕臨哭，冢壤所以安親之體魄也。體魄既在，而神魂亦在矣。以故解君朝夕獻食，居止常依左右，而親魂亦將咽焉。於九原也，是子之孝誠感召乎親，而親之鑒臨亦感通乎子矣。夫幽而難感者，尙感之，而况於顯乎。鬼之難通者，尙通之，况於人乎。此解君之孝，所以愜人之之心，而起人人之敬也。吾友平度守馮君景和，嘉解君孝，祈爲文以贈之。昔節孝徐先生廬於冢側，而空城之人皆往，今解君廬於冢側，其臺陽之往趨敬問不假言，而代之士夫亦從而敬之者，蓋以天理彝倫，有不容自己者也。矧解君爲邑庠生，學充而行修。

邑稱孝

舊志

才優而德厚，異時擢巍科，登廊廟，移事親之孝，以事君，則爲孝子者，必爲忠臣矣。他日太史採而錄之，使後人稱國朝忠孝之士者，必推解君，豈假余今日之贅言哉。

王一中，居父喪，哀毀盡禮，廬墓三年，母喪亦如之，通

張大仁，嘗官宣左衛經歷，以母老乞休，所司嘉其孝

以禮送還，歸後備極色養，母歿喪葬，悉準諸禮。

舊志

陳朝，以行義爲鄉里所推，景泰中歲饑，輸米八百石，助賑。成化初再饑，復賑之，爲食於路，以待餓者，全活甚眾。其與朝同時助賑者有張懋、韓勝、保、王璽、王瑀。

皆輸粟至八百石，後萬曆時，有楊宜春者，嘗輸五百金以濟饑民。

本舊志
耆善

劉子寶嘗於路拾遺金，俟其人還之，酬以十金不受。後值礦賊劫掠鄉里，妻張氏倉卒率子婦孫女投崖，皆不死，人以爲厚德之報。

本舊志
耆善

國朝王子龍，建安村人，生甫離襁褓，父藩外出，去三十餘年無耗。子龍力作奉母，既壯，度所營產足供養，遂隻身尋父。初至河南，徧訪不遇，期年走陝，又不遇，復由陝入蜀，後遇之松潘鎮，力請偕歸。松潘地在

邊，跋涉艱苦，身瀕於危者屢矣。至是父子聚首，往返歷七年，乃抵家，歸未幾，母卒，爲父繼娶李氏，曲盡孝養，終身不懈。

本舊志

張良知，南大興人，備力養母，日兩餐或不飽而奉母，必備甘旨。母死，良知年已踰七十矣，慘然曰：吾少孤，家貧，賴母得以延日，辱身奴隸，徒以母在故耳。今已矣，安能復以七十老翁爲人役哉？營葬既畢，自經死。

本舊志

張炳，上金山人，父病痿，臥牀不起，炳踞進飲食，廁牕

悉躬任之歷數十年不少懈炳早年乏嗣七十後忽
舉一子人謂純孝之報云

舊志

畢生花觀上村人母鄭氏孀也有三子生花最幼家
赤貧兄皆外出獨傭販以養母囊擔橐負不避風雨
得錢必市甘旨以歸鄉人稱之

舊志

王任之年踰冠喪其妻姚氏以有子終身不復娶人
多其義

本舊志
義民

朱名生白崖村人好施給常平治道路以便行旅縣
境之西義嶺水峪溝黑山關皆鑿石通其隘石生雲

者小賢村人亦存心利濟縣北通塗恆時修之

本舊志
義民

李相元南坪村人生有膂力年十四能舉石白善鏢
槍百步外無虛發少孤事母甚孝常樵於山遇巨豹
搏之以歸市其革具酒饌爲母壽人呼爲孝勇郎明
季土寇蠶起有智子明者以力橫於鄉相元鏢斃之
自是相元所在無敢犯者邑人高山素與善兄事之
山凶悍無賴相元戒之不聽一日並騎行所佩刀忽
自鳴山詢之答曰刀腹枵欲食爾肉耳山驚避及劉

遷之變山聚眾以應折簡邀相元相元大罵投其簡於地曰吾恨不於刀鳴時除此賊也山亦由此歸正後積功至總兵感其義屢招之不往饋以金亦不受

食貧養母以終

本採訪册

王永有字久豐溝南村人天性孝友與人無疾言戾色以力田起家鄉人推重羣熏蒸於善雍正中知縣興宗以其行聞

賜八品農官前後令皆匾旌其門

本採訪册

劉成望字持盈上金山人少孤力學為諸生為人內

行純樸尚氣節家不中貲而任郵不少懈從兄某無

子卒後族人爭析其產獨無所取且出資為營葬鄉

人欽信有爭訟事得一言立解治家嚴肅有法子溥

元承其教以名進士仕為循吏晚年足不履城市王

制府秉韜時官五臺嘗以不識面為恨云

本採訪册

田有慶字中正田家岡人少補諸生性至孝父病日

侍奉惟謹衣不解帶者三年及卒隆冬廬墓百日哀

毀骨立自是絕意名場道光壬辰丙申歲荐饑出儲

粟徧濟鄉人所居無流亡者年九十二無疾而卒縣

令楊作梅重其行義匾表諸閭本採訪册

徐興旺石村人家赤貧甫成童即負炭為業以養父

母父嗜酒好博每市炭歸必沽佳釀或遇博家索負

竭力以償無怨詞亦不少吝一日父博累負歸而大

愠興旺陰持錢三貫詣博家曰盍讓吾父贏一局俾

少歡乎已而父果贏持二貫得意歸或以實告且誚

之曰爾尚虧一貫父大慚感其孝遂不復博本採訪册

郭耀德郭家寨人父患風痺臥疾八年耀德侍養未

嘗刻離廁踰悉親滌之遇風日和羸則負以出請所

之而眺望焉已又慮其每進食必輕手拊背將徹乃

已弟耀祖協力扶持左右就養歷久不倦人以爲難

本採訪册

武斌字伯養觀上村人廉隅自持家貧嗜讀書敬重

字紙攜小筐隨處拾遺朔望焚之付清流如是者數

十年嘗以孝弟友恭勸鄉黨閭人重之呈其行於黃

學憲批給遺行堪師本採訪册

趙斗煥槐陰村人由監生舉介賓性剛正輕財好施

道光十二年出儲粟賑飢饑其平居修道路成橋梁

立義學新祠宇不恤勞費處物寬和而持家嚴肅子孫有過不少貸年八十有四五世同堂其後昆副鄉榜遊泮宮多目睹之

本採訪册

賈廷暄二角村人邑庠生居家孝友樂善不倦立義學延師督課貧不能讀者多沐其恩嘉慶道光中兩遇饑饉出儲粟按口造册日給之一鄉賴以全活至今口碑不衰

本採訪册

姚榮春厚岡村人邑庠生居心寬厚好善樂施嘉慶十六年歲饑自減度用救村貧按口造册給粟米道

九十二年又領賑救如前兄萬春弟繡春協力共濟

替人感德匾其門曰德潤瓊瑣

本採訪册

以克敬字慎修上西村人幼秉至性甫六齡母病輟食號而泣亦不食始以為適然既而常然家貧力耕未嘗學問其得親處或暗合古人子奮興字淳然孫

作霖字用汝俱入邑庠奮興天性渾全多讀書善事孀母博歡心終身猶孺子焉居喪悉遵古禮作霖年

十一父病禱於神請以身代母喪明飲食起居必親侍奉二十年如一日其事親有乃祖乃父風天性然

也本採訪冊

張良相字輔臣號慎軒松臺村人邑庠生幼失怙事母以孝聞講禮法言動不苟家酷貧舌耕餬口淡如也道光中連歲饑饉良相倡捐粟米賑救一鄉任某貧弱不能立家室良相館俸纔十金而自儉以贍之不致離散晚年室如懸罄淡泊自甘有袁安臥雪高風壽九十一歲卒本採訪冊

王欽字古稀走馬嶺村人舉人作謀之孫也負性孝善事親母遺語無怨言已降服生父卒限於禮制

情未伸病極幾滅性幼習藝從師師無子後死他鄉緦往不知其墓數月資斧竭行乞以訪之得骸骨負以歸鄉人善之本採訪冊

馬翔雲字衢亨永興村人邑增生舉介賓性和而介言行不苟遇橫逆不較家素貧舌耕小康鳩宗建先祠舍屋地爲祠基水平地二畝二分爲祭田又坡上地六畝賑濟族貧水平地一畝給鄉保爲稽察匪類之費工書法得尺幅者寶重之學重守身承其教者亦循循有法度晚年喜講主敬之學七十五歲無疾

而卒子恆泰入邑庠鄉飲介賓能繼先志有乃父風

本採訪册

白炳文白家莊人早失恃赤手起家性篤厚嫻族婚葬有不濟悉爲周給道光十三年饑出儲粟按戶口分給一村賴以全活咸豐五年村外有古墳村人取土其旁水滂土陷墳主賴炳文修治費數十緡無難色工甫興而其孫萬鵬鄉試捷音至人咸謂陰騭所致

本採訪册

張守德西雷村人好善築施有厚德貧不能斂者具

棺助之嘗新祠宇社基狹舍地以潤之村人立石紀其德年踰九旬飲鄉耆縣令王秉韜匾其門曰名列

五更

本採訪册

劉抑字德隅號松山寨裏村人議敘縣丞銜衛千總秉文子繼伯父大賓秉清嗣家素封其先世好善樂施嘗以五百金出定襄廉吏黃公於獄鄉人牛存喜困無聊鬻妻爲解囊代贖且賙之粟卒保聚成室道光中連歲大祲出粟賑救撫憲迄縣令賜匾旌獎抑尤慷慨不爲守錢奴淳沱白梁橋邑人徐鴻鳴建歲

久廢抑舍水地十一畝岡地四十畝爲修橋費白梁復興沱陽人爲豎石紀功家居五洞山產石炭縣及鄰邑所共資山路崎嶇抑獨力捐資平治紅泉寺西茅嶺松嶺長野溝石漕溝大嶺諸道化險爲夷東冶石橋道爲赴省通衢亦嘗傾資以修光緒三年遭奇荒出粟數十石分給飢餓又設粥廠數月全活甚眾每歲冬施棉衣身歿乃止精岐黃術有相邀者雖夜必往遇貧乏不索藥值富人輕財好施當以抑爲最

本保
訪冊

其行事不具而見於鄉評者舊志前明有呂致化楊

琇

年九
十四

呂璉王卿文以孝友稱王師魯高岡張崙呂

琢胡彥清以尙義稱王木中楊楫徐琳山高魯儒並訓子有方張九韶智郤張廷楨陳相李仲前並持躬

謹厚閻宏道王鵬翼

四世
同居

及

國朝姚際唐並諸生勤學知名而學正王式璽貢生鄭快祖張暉曲而直其學行爲後進所式舉人劉成庵張暗事母以孝聞劉之橋盧敬業方正樸實善訓誨副貢張絜王繪龍並張暉爲詩學權輿

科目題名茲附著其五頁與他途及封蔭並以類次

進士金天德中有張大節三年有傳大定中有張巖叟九年有傳

太和承安中有楊慥五年有傳泰和中有高選元年志誤作元

婿案元遺山聶孝女墓志不言為同縣人姑從舊志書之

李鏐歷官禮部尚書元元統中

有劉揚盛劉行唐宋以來世居紅標村劉揚盛劉行

俱元統二年進士適世亂遂隱晦不仕劉繼祖至元

五年鄉薦劉貞至甯二年鄉薦為信好學有聲州里

謂鄉人曰為臣死忠為子死孝汝等慎勿輕棄墳墓

案至甯為金衛紹王即位之四年改元僅三月為胡

沙虎所弑不得有至甯三年元世祖號至元其後順

帝亦號至元世祖時未定科舉之制則所云至元五

年乃後至元也是劉揚盛劉行劉繼祖並元未人獨

劉貞為金末人而傳乃牽混為一其謬已不待辨金

亡於天興二年時忻代久為元所有雖嘗為金降將

武仙餘眾叛據不久復歸元且在金亡之後而傳乃

云天興開元師南進民皆潰亂逃竄一似臺州此時

尚為金守土者尤為無據數行之文倏金倏元輾轉

莫可究詰前書削其傳不錄是矣然不能竟明洪武

謂無其人姑依舊志書於科目而附辨其誤

中有田敏道年闕歷任湖廣齊麟乙丑科二甲永樂

中有解璿辛丑科宏治中有王源已未科正德中有

胡偉甲戌科任萬曆中有施重光辛丑科

國朝康熙中有楊瓊枝丙辰科任江南鄭疇戊戌科

雍正中有梁明德、癸丑科任福建

乾隆中有鄭王弼

丙辰科、武維揚、丁巳科任甯

甘雨、壬戌科任江

潤第、乙卯科、嘉慶中有趙光斗、乙丑科、恩賜

翰林院檢討、恩賜、道光中有徐繼畬、丙戌科、王丕顯、癸

傳、李永清、戊戌科、同治中有郭安仁、甲戌科見任

舉人、金有劉貞元有劉繼祖、辨見前進士、劉公哲、魏

榆、孟仲徽、王進之、並闕其年、明洪武中有田敏道、年

齊麟、年闕、並、傅汝霖、壬午科、劉復初、壬午科、薛勛、壬午

郭守一、壬午科、永樂中有馬駿、甲午科、解瑤、年闕、見白

董、癸卯科、正統中有白善、丁卯科、任伏羌、景泰中有楊

誠、癸酉科、任天順中有康進、己卯科、任狹、張祥、己卯

成化中有張籽、乙酉科、張儒、丁酉科、劉潔、癸卯科、宏治中有

王源、年闕、見、正德中有胡偉、年闕、見、嘉靖中有鄭鑾

易州學正、張彌綸、辛卯科、任固、萬曆中有閻潛、癸酉

魁、臨胸、施重光、己卯科、智幾先、戊子科、兩任、楊茂材

縣知縣、復姓王、辛卯科、楊夢弼、庚子科、姚一讓、癸卯科、盧鴻鳴

科、遼東通判、王子科、復姓鄭、更名國、楊仰山、乙卯

楨、任德平、新城知縣、人物續

五臺新志卷四

人物續

楊仰山、乙卯

科、遼東通判、王子科、復姓鄭、更名國、楊仰山、乙卯

楨、任德平、新城知縣、人物續

國朝順治中有張燠辛卯科、楊瓊枝庚子科、康熙中有楊瓊枝年闕瓊枝從、閻襄壬子科、殷日京丙子史

有楊瓊枝年闕瓊枝從、閻襄壬子科、殷日京丙子史

簪己卯科、任廣東劉之橋己卯、王倫五運元子己卯

正鄭嘖壬午科、鄭士檀壬午、盧敬戊子科、趙金章偏關訓導

辛卯科、任陝西趙龍章辛卯、尙清寬辛卯科、任山楊

華陰縣知縣、趙靈鳳癸巳、張厚載癸巳科、任

際雲浪穹縣知縣、趙靈鳳癸巳、張厚載癸巳科、任

縣知趙之璽癸巳科、任江南史範癸巳、雍正中有趙

鳴鳳甲辰、鄭廷弼丙午科、任右鄭廷璠丙午科、任江

縣改東昌劉成庵己酉科、雍正乙王作哲己酉科、梁

明德鄭王弼、武維揚並壬子科、張暄壬子科、曲綽音壬子

科、任陽曲曲徽音壬子科、任絳縣教曲盡直己卯科

縣教諭、王作謀作哲從弟乙卯、乾隆中有史天顯、田甘

論、並丙長科、王式璽戊午科、吉梁璿戊午科、任陽

雨、見進士、曲源崙辛酉科、任陝西張孝友庚午科、任

大烈辛酉、曲源崙辛酉科、任陝西張孝友庚午科、任

張于屏丙子科、福建試用知謝元暉丙子、徐敬儒己卯

科、有曲續韶庚辰、曲肅乙酉、劉溥元戊子科、鄭性善

傳、戊子科、應劉鉞升庚寅、史耀文己亥、鄭資履庚子科

州學正、劉鉞升庚寅、史耀文己亥、鄭資履庚子科

縣教諭、徐潤第戊申科、嘉慶中有趙守樸戊午、趙光斗

五臺縣志卷四 人物續

張文瀚、並辛酉科、耿睿、丁卯科、恩賜、劉勳祖、庚午科、亞元

徐繼畬、癸酉科、見進士、道光中有王丕顯、乙酉科、解、史兆麟

王辰科、任、李永清、壬辰科、見進士、楊安民、甲午科、任、壽、謝瑚

忻州學正、乙未科、王瑞琳、乙未科、劉貢西、丁酉科、張志賢、丁酉科、任、和順

有傳、教諭、朱汝讓、己亥科、任、福建、馬秉謙、庚子科、徐用五、癸

科、劉遇熙、丙午科、有傳、咸豐中有趙肯構、辛亥科、白萬鵬、乙卯

魁、劉崑怡、己未科、任、平、姚秉鐸、辛酉科、任、同治中有

席澄清、丁卯科、杜子葵、丁卯科、光緒、庚辰、挑二等、李士元、丁卯科、恩賜

郭安仁、庚午科、見進士、席雲生、庚午科、徐耘田、癸酉科、劉岸怡

癸酉科、光緒中有劉升瑛、丙子科、亞元、毛泰芝、丙子科、張映環

丙子科、王星五、己卯科、渠綸閣、壬午科、張倬、壬午科

武科進士、明有王英武、年、闕、歷、任、參、將

國朝康熙中有楊耀祖、甲辰科、任、安、慶、府、游、擊

武舉明萬曆中有趙鑿、癸酉、己卯、張喬、己卯、戊子、羅其勳

年、國朝順治中有徐騰芳、戊子科、張爾裕、年、闕、康熙中有

楊耀祖、癸卯科、解、王公欽、丙午科、王業昂、己酉科、張懷烈

甲子科、尚清敬、甲午科、乾隆中有鄧愷、辛酉科、盧廷揚、辛酉

科、

人物續

直隸河曲 安從泗 科辛酉 劉祖秀 科甲子 岳鳴鸞 科甲子 任河南

灣千總 張中正 科丁卯 張振先 科庚午 高雲璈 科庚辰 張鳳鳴 科戊子

楊桂林 科癸卯 李成蹊 科戊申 總遷都司 岳立 科乙卯 嘉慶

中有李朝臣 科庚申 曲健翻 科辛酉 楊森秀 科甲子 張慶昇

庚午科 同治庚 趙冀義 科癸酉 朱攀雲 科戊寅 道光中有

午重遇鷹場 劉元德 科乙酉 張桂馨 科戊子 白全清 科辛卯 侯靖邦 科乙未

署本城寶村鎮把總 定 盧秉畧 科丁酉 楊其晉 科己亥 張

襄偏關金剛庫千總 騰霄 科癸卯 武以仁 科丙午 咸豐中有朱汝勤 科乙卯

有傳 張景融 科己未 同治中有白廷柱 科甲子 王國陞 科甲子

郭思讓 科庚午 楊顯名 科癸酉 光緒中有孟全珍 科乙亥 楊

中智 科乙亥 王學炯 科丙子

諸貢舊志統載並闕其年明有陳澍 科刑科給事中 薛

彥庸 科刑部 李昇 科應天府推官 解善 科刑科給事中 補 盧

英 科紹興府 田禮 科監察 郎惟中 閣端 漂水縣 趙志衡 科東

府同 陝通 主簿 李善 科房山縣 席珍 科懸 白時清 科引 曲曇 楊

勉 衛輝府 趙亨 科縣 王賢 科春高翰 白圭 夏威 任威 馬

賢 楊紹 科饒陽縣 解善 科鄆縣 韓讓 科衛衡 環縣 白福 科引 師

濟 蒲臺縣 楊新 科秦州 白英 科寶雞縣 白演 科縣 楊輝 科慶陽

知縣 楊新 州判 白英 縣丞 白演 縣丞 楊輝 府訓

五臺新志卷四 人物續

五

五

五

導 王繪 蓋座縣 楊壁 雲南 曲傑 薊州 楊淵 曲周縣 高

子平 劉濬 固安縣 劉珩 甯州 王思永 蓬萊縣 陳鳴 野

縣知 劉璣 主簿 王時中 白維 杭州府 張鳳 彰德縣 白瓊

平山縣 白夔 興化縣 高璋 通渭縣 鄭行簡 長山縣 智

教諭 白夔 縣丞 高璋 知縣 鄭行簡 主簿 長山縣 智

雷 泗水縣 陝潔 中部縣 王拱極 青州府 高士攀 楊一

輝 遼海衛 張智 閻銳 平海縣 鄭守清 潮縣 陳昌言 杜

廷瑞 永康縣 解汝淮 衛經 解汝清 楊世豪 山丹衛 鄭

潮州 姚舜德 廣甯衛 教授 以遷才 徐璽山 安朝珪 白珩

學正 白煥 平涼府 張如綸 歸德府 白燦 同官縣 陳正

學 餘杭縣 白奎光 榮陽縣 王佃 楊宗仁 鉅野縣 劉惠

樂城縣 曲成學 國子監 張賢 岳陽縣 安朝璜 武強縣

訓導 王士進 鄭畏天 同官縣 鄭事天 西苑馬寺 鄭戴天 左

縣教 鄭邦清 汝陽縣 鄭文煊 武鄉縣 安朝瑄 任縣 徐

論 武鄉縣 教諭 升陝 胡乾 高徹 靈臺縣 張蘊道 有羅

鏞 西定陶王府 教授 胡乾 高徹 知縣 張蘊道 傳 羅

三省 沁水縣 羅三變 高擢 河州 張子明 聞喜縣 徐鎮

韓子陽 宜川縣 田龍 保定縣 徐立 商南縣 徐光澄 有

胡應祥 浮梁縣 姚一貫 沙河縣 張科 大名縣 白清 鄭

子慶 徐一貫 白光遠 曲應麒 河津縣 訓導 改任 伊川

縣改實 楊起元 訓導 張錦 武邑縣 徐養蒙 楊本隆 經 楊

希震 劉明顯 劉宏基 永和縣 孟金聲 張錡 胡向化 長

縣教 董國柱 張其綱 有傳 楊景芳 王元輔 臨汾縣 鄭士

棟 復姓 閻 姚之澤 汾陽 鄭自慶 賦城 鄭文郁 楊一新

國朝恩貢 年可詳者 康熙中有田京生 己 雍正中有

白敦素 癸 乾隆中有安佑 丙 曲元音 庚 鄭快祖 壬 劉

繳修 壬 徐公康 壬 鄭翠珍 庚 王給虞 乙 鄭侃 庚 嘉慶

中有曲暢 丙 鄭華國 庚 鄭雲梯 有傳 張中倫 己 道光中

有高步青 辛 張崇儒 乙 王升 有傳 趙馴寅 丙 咸豐中有

羅周典 有傳 徐耘田 甲 王鳳管 丙 任紹尹 戊 徐清輝 辛

同治中有張坤 壬 曲榮 丙 光緒中有馬秉仁 壬 馬鍾

河 丙 岳芝 卯 已

拔貢可詳者 選拔始於明宏治時 萬曆中以妨歲貢

之恩拔 國朝順治乙酉 戊子 雍正癸卯 己酉 乙卯 皆舉行之

乾隆辛酉 以後定為十二年一次 順治中有徐桂芳

舊志於諸貢皆統書無從分別 康熙中有鄭斌 選 壬戌科 雍

乙酉科 王運元 戊子科 康熙中有鄭斌 選 有傳 雍

正中有張暄 癸卯科 張暉 乙卯科 乾隆中有張璧 辛酉科 張

昭 癸酉科 嘉慶中有徐寅第 辛酉科 徐閱第 癸酉科 道光

中有李永清乙酉科、朱汝讓丁酉科、王丕釐己酉科、咸

豐中、有孟清源辛酉科、同治中有裴作則癸酉科、

副榜貢、康熙中有盧譽壬午科、任徐溝縣教諭、王繪龍癸巳科、

張絜丁酉科、王司華庚子科、乾隆中有王儀烜己酉科、嘉慶

中有王益壯戊午科、董作肅戊午科、李生輝庚申科、張文瀚、

庚申科、梁元龍庚申科、趙思軾庚申科、趙光斗辛酉科、王

懋敬甲子科、白培垣戊辰科、道光中有徐繼疇壬午科、張志

賢乙未科、趙際芳庚子科、馬全泰庚子科、趙肯構丙午科、

咸豐中有鄭韜烈戊午科、恩賜同治中、有武本仁丁卯科、劉

升璿丁卯科

歲貢、舊志並闕其年、自乾隆壬寅以前、恩拔亦或終

書於內、皆無從分別、其名籍有姚之淵清水縣知縣、張五

美太平縣教諭、楊之藻曲沃縣訓導、土奕葉有胡宗化高平縣訓導、

王運隆長安縣知縣、張鴻譽、張謨、劉銳廣昌縣教諭、劉清、張宏

猷、楊秀山、楊鼎亨、張志廣偏頭所訓導、宋德澄甯鄉縣訓導、楊

雲霄、張淑修、師淑尼、張煒大同縣訓導、楊鳴鶴、曲爾昌、楊

維棟、張毓泰、鄭士枳、張繩大甯縣訓導、呂王佐、陳之美、閻

佑、蔣、張宏志舊志功貢案當在順治初年、姑仍舊列之、高居相、徐養鴻、張

論閣立王徽五張九經鄭士檀盧嘉言張肇修懷仁縣訓

導王淑五永和縣訓導王德五王雲五張煒史成章張絃

周贊成王永齡田芑生曲而直平順縣訓導雍正二年舉賢良方正張

蘊劉堯裔王琢徐鍾秀劉堯本陽曲縣訓導張肇基沁水縣訓

導王援岳陽縣訓導劉鳳都劉敬修楊震青孟紹祖史以

直張中字孟繩祖稷山縣訓導王昇張杏壇曲順受劉燧

劉子固徐公藝白樂清張凌雲董百辟王吉士鄭敷

政其年可詳者乾隆中有田臧壬午劉學平壬寅潞安府訓導

鄭紹武癸卯王懋德乙巳高雲官庚戌羅世黼辛亥高尙綱甲寅

嘉慶中有張振翮丙辰王建中戊午王鎮徐庚申趙光前壬戌

鄭雲綱甲子楊向陽丙寅鄭銓戊辰鄭寶善己巳趙令名庚午盧

敏政壬申鄭金聲甲戌王布昭丙子王國澄戊寅王之藩有傳道

光中有王治熙壬午鄭登仙甲申郭純仁丙戌王萬年戊子石

生雲庚寅徐芳都壬辰趙畿毅甲午劉諸冠丙申韓國棟有傳康

瑄庚子署永武九齡壬寅選曲西銘甲辰安綏丙午楊樹

滋戊申郭承翰庚戌咸豐中有楊汝楫壬子劉升瑞甲寅謝瑨

丙康占鰲戊午田徹庚申同治中有毛蔚岐壬戌曲龍書甲子

趙捷鋒丙寅鄭毓琪戊辰武顯名庚午鄭增耀壬申趙煥

增甲 光緒中有徐愷 丙子選 王旬 戊寅選 張映琮 庚辰

優貢同治中有杜子棻 甲子科 見舉人

他途仕進明有田載 雲南監察御史 安瑄 任夏邑縣 有傳 薦辟

陳福 任鴻臚 陳廷珪 任主簿 王幹中 任河南 安廷珪 任 府經歷

胸主 張鴻儀 任典 白永言 任典 劉廷拱 任同官 史燹 任 簿

南縣 王玉棠 任葉縣 徐錦 任扶風 楊鐸 任灤州 楊郁 任 丞

任大史 楊芳 任汝州 盧莘 任檢 白繪 任濟南 盧潤 任 吏目

州吏 唐安 任湖廣 劉廷瑄 任薊州 白玉光 任甯州 史 吏目

萬言 任邢州 陳心學 任太安 胡通 累立戰功 封 吏目

國朝有王公維 吏部清吏考功司 薦辟 高鼎 任四川總 兵有傳 王

福洪 任杭州 杜加榮 任福州 王公璽 任 鄭茂全 任 府都司

曲干 武寅 任平陽 鎮標千總 子鎮邦 大 周廷相 由運 總

總陞江南 淮安府大河衛掌 楊奉 以武功 封 馮蘭 平 印守 衛山海關 卡頭 淮都司

營守 衛陞 舊志 莫紀其年 今可考者 乾隆中有閻起 蒲河都司

北樓 營外委 奉派出師 陝省 陣 道光中有杜培秀 廩 亡奉 旨賞 裕雲 騎尉 世襲

援例 署太 王丕 績 附貢 由海疆 經費 援例 選 平定州 原縣 訓導

咸豐 中有徐繼 穀 庠生 由幫辦 防堵 署 台 徐繼 堯 附 援例 選 汾陽 縣 訓導 署 汾州 府 教授 由 張鏡 署 大同 防堵 案內 奏賞 六品 頂戴 晉加 五品 銜

人物續

鎮標前營左同治中有謝沛禾武生由防堵任安以

煥州撫標左營守備署定廣協都司

封贈明有楊杞大夫以子夢弼官封奉政姚汝光以子一

奉議大夫隴張子英以子蘊道官贈奉政劉湯明廩

西道僉事張子英以子蘊道官贈奉政劉湯明廩

封承和縣教諭

國朝有王之翰以子公維官封奉政大姚一簡以子

官封文林郎王槐秀以子運元官贈文徐光澄有傳

清水縣知縣徐賜祿以孫敬儒官贈奉政大夫徐天敘以子敬儒

贈明威將軍徐賜祿以孫敬儒官贈奉政大夫徐天敘以子敬儒

官贈奉政大夫以曾孫徐天閑以孫寅第官徐敬儒

繼畚官管贈資政大夫徐天閑以孫寅第官徐敬儒

舉人有傳以孫繼徐敷儒太學生以任潤第徐楷修

畚官贈資政大夫寅第徐枚儒吏部考授從九郎以孫徐教

儒地贈朝議大夫寅第官徐蔭第太學生以弟潤第徐潤

第進士有傳以子繼徐開第從九以子繼壩徐閻第

增生以子繼壩鄭宏基以孫王弼官贈文鄭常經以

官封修職郎鄭佩如以子性善官王聚五廩生以孫作

郎王擢龍廩生以子作哲王在龍廩生以子作謙曲贊

官贈文林郎王升恩貢以子丕顯官贈文王觀廩生

富陽縣知縣李迎祥以孫成蹊官贈武畧騎尉李暉吉以子成蹊官

丕顯官封李迎祥以孫成蹊官贈武畧騎尉李暉吉以子成蹊官

李長清以弟永清官朱正鰲增生以子汝讓朱寶鰲

武生以子汝勤史經邦以孫兆麟官史光鼎以子兆麟官封

官贈武信騎尉史經邦以孫兆麟官史光鼎以子兆麟官封

奉政盧嘉言以子譽官郭名成以孫安仁官贈奉政

大夫盧嘉言以子譽官郭名成以孫安仁官贈奉政

郭世恆以子安仁官封奉政楊夢周以孫奉官贈

豹京以子奉官贈馮五美以子蘭官贈張志勇以子

騰霄官封張冲霄以弟騰霄官張宏俊以孫景融官

昭武都尉張冲霄以弟騰霄官張宏俊以孫景融官

尉張庭槐諸生以子景融門鎮以侄文魁官白艷彩

尉張庭槐諸生以子景融門鎮以侄文魁官白艷彩

以子廷柱官白廷樑以弟廷柱官王鳳梧以侄學炯

封武德騎尉白廷樑以弟廷柱官王鳳梧以侄學炯

德騎王鳳桐以子學炯官尉王鳳梧以侄學炯

尉王鳳桐以子學炯官尉王鳳梧以侄學炯

蔭襲明有王臣以父源死節蔭安節以父暄死節蔭

州主簿國朝有王體元以太高祖奕葉順治初殉難嘉慶九

閻金以父起龍陣亡蔭雲騎尉襲世職任平型關都

司子文魁又襲歷署新平路營渾源營都司

列女

自旌典用限年格而貞節之表見者日眾舊志多
爲立傳然自貞女烈婦外行事大抵相同今畧爲
刪潤益以案牘可稽者敘次自金聶孝女以下庸
德奇行胥以類從其事實不備者臚書姓氏於篇
末

金聶孝女字舜英尚書左右司員外郎天驥之長女
也年二十三適進士張伯豪伯豪卒歸父母家及哀
宗遷歸德天驥留汴崔立劫殺宰相天驥被創甚舜

英謁醫救療百方至割其股雜他肉以進而天驥竟死時京城圍久食盡重以崔立之變剽奪陵暴無復人紀舜英頗讀書知義理自以年尙少艾夫既亡父又死非命比爲兵所污何若從吾父於地下乎葬其父之明日絕脰而死金史本傳元好問聶孝女墓銘五臺縣志天驥元吉爲尙書左月二十有三日崔立舉兵反殺二相省中元吉被兵刺甚女日夜悲泣謁醫者療之百方至割其股雜他肉以進而元吉竟不可救時京城圍久食且盡閭巷聞有嫁妻以易一飽者重以喋血之變剽奪陵暴無復人紀女資孝弟讀書知義理思以大義自完葬其父之明日乃絕脰而死上大夫賢之有爲泣下者女字舜英年二十二嘗嫁爲進士張伯豪妻伯豪死歸

父母家嗚呼壬辰之亂極矣中國之大百年之久其亡也死而可書者權參知政事翰林學士承旨子政右丞大用御史大夫仲甯戶部尙書仲平大理德輝檢點阿撒郎中道遠省講議仁鄉奉御忙哥宰相子伯祥宿直將軍長樂妻明秀參知政事伯陽之夫人與孝女十數人而已且有婦人焉夫一脈存不可謂之絕一目張不可謂之亂一人立志不可謂之士崩痛乎風俗之移人也孝女合葬張氏墓在某所銘曰嫠政之姊哭徇其季于祀有傳猶聶之世嗟惟孝女之死自遂死而有知及父於隊以子則孝以婦則義以斷則勇以守則智於今之人麟鳳之瑞莫靳者名天曰美器不於士夫一女之畀銘以表之並志予愧元李氏陽白村郝文妻年十九歸郝文踰年生子居祥未期而寡父母欲嫁之泣曰兒聞仁者不以盛衰改節義者不以存亡易心禽獸之行吾不爲也居祥

長讀書不仕事母甚勤元統三年母卒哀毀幾至滅性鄉人皆曰其母節其子孝可以傳也

舊志

王氏上金山蘭從義妻夫死以節著至正中歲饑出

粟賑貸鄉民德之

本劉成菴王節婦傳傳云辛亥之歲時值莫春杏花成堆惠風襲

體余澆懷舒嘯步至南灣見古塚壘壘荒郊寂寞芳草與墨雲萋迷殘煙共斜陽黯淡躑躅之間欲歎弗勝適有斷碣倒臥字迹依稀取草拂拭伏而讀之僅得數行乃知蘭氏舊爲臺州望族富甲千家而石刻之文則譜蘭從義之妻王氏之梗概也氏賦性貞烈幼適從義生子居旺居仁甫數歲而從義已物故矣氏號勸數絕初不欲生因家人勸諭三日後乃進一啜營葬畢事舅姑以孝聞撫幼子寬而有嚴艱貞不渝躬織勒苦晏如也數十年間凜若冰霜人不敢以非語干之家道雖益殷實然未嘗有笑容元至正○

年歲大饑捨粟百斛賑貧窮乏還其券契又鹽價騰貴每斤百錢施鹽二十石量口散給鄉民德之沒後至正九年歲進士王進之作記石工劉伯殷伯元鑄石其叔蘭從德實董其事嗚呼婦以節著婦之不幸也然婦以節著又婦之大幸也乃知龍逢比干臣道之綱申生伯奇子道之常則謂節婦與古人爭光可也獨是由元迄今三百餘年於茲矣忠臣義士皆得彪炳史冊而節婦僻處山隅湮沒以終至今行路過者孰知此地有共姜令女哉吾聞善人之後常有善人節婦之子孫胡爲至今滅絕乎余與節婦同居金山故表而出之爲將來

闡幽顯微之一助爾

明劉貞女字壽貞光州學政復初女也幼聰慧父教

之讀於內則女訓列女傳諸書悉成誦許字同里盧春春家貧永樂初役於京師遽卒輓歸女哀經奔喪

父母慰止之不可既葬遂侍舅姑不復返兀坐一室
題曰冰雪堂朝夕惟女工是事雖親戚子弟不得見
也有司以聞於朝詔旌其門宣德中卒年七十四有
婢慕其行事之終身不肯適人於其卒也削髮爲尼
本章懋貞女劉壽貞傳及舊志知縣張智冰雪堂
詩南山有冰惟冰之清冰其清矣劉氏之貞南山有
雪惟雪之白雪其白矣劉氏之潔王道行題冰雪
堂詩卓彼劉節女良人未娶亡孀居五十載足不履
門牆心志堅金石冰雪揭華堂賢名書太史奕世垂
休光清冰和白雪可擬劉氏操雪消冰亦解女志獨
堅牢泣血踰三年時日良悲號克養翁姑孝塚邱躬
自抱令名耿不寐猶憶儀兩髦以之論冰雪榮之華
袞袞葵山同屹屹水同滔滔陳詩附史編千載咏
清高澄澄玉壺冰皎皎瑤天雪不濁任爾撓不淄任

高潔嚴冬寒冱時眾芳盡彫歇不有堅貞操誰與傲
冰雪春風冰易解朝陽雪還竭嗟嗟烈女心始終同
一節久持冰雪操人視竟難堪潔白渾如一嚴凝已
並三孤寒咸莫受苦節獨能甘列傳稱賢母千載播
南斗

陳貞女字淑英許婚劉氏子未娶而劉氏子亡女誓
不他適遂卽其家奉夫主而成婦焉事舅姑以孝聞
年踰六十卒有詔旌表

舊志

田烈婦縣民陳朝福妻朝福死乘閒自縊以殉年甫

十九

舊志

康烈婦諸生徐光明妻年十九歸光明甫三月而孀遺腹生男鞠育備至已而殤於痘慘然曰吾所以不死者爲徐氏一塊肉耳今至此復何生爲遂投繯死詔旌之

舊志

楊烈婦諸生曲致化妻致化病革誓與同死及卒婦視含斂畢卽柩前自經焉詔於所居河邊村建坊旌表

本舊志

李烈婦葉縣縣丞王玉葉妻父龍峯崞縣人玉葉赴官旋卒於任柩旣歸婦痛哭誓以身殉諸姑慰之曰

爾夫無嗣當爲主喪候服除死未晚也婦素嫻文史尤工詩至是絕意吟詠毀容隱迹所襲麻衣經年不濯爲夫營葬旣畢從容縊死

舊志

劉烈女名玉字崞縣張氏子未婚而夭訃至女欲往臨父母弗許女以死請不得已攜之往女潛懷利刃以行旣至禮謁舅姑畢撫棺三匝方下拜遽出刃自剄死遠近嗟歎有司爲之請旌於朝

舊志

王烈女父搢紳諸生以女字同里文學孫生嗣芳未成禮而嗣芳以應試卒於太原女聞痛悼幾絕柩旣

歸自縊於室事聞予旌

舊志

陳氏廩生王奇中妻守節歷五十年

舊志

陳氏三節者陳紀妻孫氏年二十而孀矢志撫孤歷四十年以節旌其孫俊早逝妻師氏守節年踰七十乃卒次孫价太學生也卒時其妻王氏年甫十七侄正學在襁褓撫之爲嗣後以諸生貢太學爲之請旌一門三世白髮完貞知縣楊啓春爲建坊閭里親著題焉

舊志

鄭氏高相儒妻貢生潮之女也歸相儒生子岑而孀

矢志撫孤備嘗艱苦卒年七十二萬曆中旌

舊志

賀氏孝子解妻妻早卒守節歷四十餘年子汝淮亦

諸生

舊志

張氏河邊村民段鳳妻鳳沒守志年踰六十卒

舊志

武氏貢生張如綸妻以節著知縣崔應麟嘗匾表其

門子可進諸生

舊志

安氏胡彥寅妻年二十而寡事姑撫子安貧不渝至

老家日以起鄉里稱賢撫按皆匾獎之

舊志

張氏東寨村王寶妻寶早逝子朝宦遺腹所生從子

朝元方失恃並撫之事姑有孝稱年七十二巡按白
匾其門嘉獎之

舊志

案舊志有烈女曲秋葉審非縣人別詳雜錄又案
有明一代得旌者十三人節婦六人外皆貞烈也
遂先書之

國朝楊烈婦吏部郎中王公維妻也明末寇變舉家
避地中途與公維相失婦度不免遂自殺後公維貴
贈淑人

舊志

安烈婦王則堯妻則堯以貧故傭工他縣婦採田前

而食族人伏高則堯父行也遇之田閒詭云借鋤遽
持婦手求歡婦大罵歸而訴諸縣即引刃自剄遇救
抵家自縊死縣爲之請旌而置伏高於法

本舊志

智烈婦村人李亮妻年十七饑於田村有無賴子張
根隆者潛尾其後乘隙強劫之婦力爭得脫憤而自
經同時又有齊氏亦以烈著

齊烈婦者白崖村楊卓義妻也年十八同里崔七豔
其姿調之不從遂致自盡崔亦畏罪死乾隆初旌

舊志

樊烈婦四家莊高金成妻寓居代州金成傭工於州

中弓氏弓氏子窺婦獨居就挑之力拒不從隨引嫌
自盡事發旌如例本舊志

王烈婦臺山佃戶杜青雲之妻為喇嘛典器某所逼

自經死事具前書名宦陸長華傳

朱烈婦夫王某失其名里有無賴子朱春旺與其姑

通以婦年少欲並污之一日乘閒強逼婦力拒春旺

怒殺之而逃後行竊於鄰縣刑訊並發其事旌如例

本縣册

李烈婦岳應星妻一經女也夫外出土豪段某夜半

奪門將強之氏持刀自毀面目段不敢近氏聲知四

鄰自縊事聞段伏法氏得旌本縣册

劉烈婦西天和周某妻上耿家莊懷德女也嘗策蹇

偕其夫自母家歸夫行偶後途遇無賴推墮於地將

強劫焉夫至得免抵家忿而自經聞於官無賴伏法

婦得旌本縣册

甯烈婦李芝之妻居上耿家莊芝遊蕩無度以婦有姿

誘令倚門以自贖婦不從則威脅之陵辱萬端一日

給令歸甯行至董家橋劫以死必得一諾為信婦堅

拒如初芝舉石狙擊破腦死案發得減戍後遇赦還
甫抵家自言見婦索命病狂數日隨斃

本採訪冊

任烈婦柴雲龍妻雲龍夏縣人寄居五臺貿易山東
死於盜婦聞變痛哭不食自縊而死

舊志以下未旌烈婦

沈烈婦羅清妻清病革屬其改醮泣曰婦道從一脫
不幸妾惟從死而已及視斂畢投柩側死聞者哀之

知縣陳表其廬

舊志

張烈婦王九章妻嘗夫婦俱染疫九章病歿婦昏臥
弗省葬之前日其母來見婦少差告以故婦大痛其

夜乘閒自縊親黨感其志立具棺斂旦日與九章合

葬焉

本舊志

王烈婦五級村庠生趙守寬繼室讀書識字解算法
年十八適趙甫年餘趙病將革氏矢身殉趙知其意
以前妻子女爲託任之氏爲人持重知大體教子訓
女有義方善理家政人不敢以女流相欺親友丐貸
無難色而家資益饒子女婚嫁方弄孫子遭病醫罔
效氏知不救謂家人曰吾所以鬱鬱居此者爲此子
耳今病勢如此吾不忍親見其死遂自縊

本採訪冊

張烈婦東冶楊文官妻結褵甫七旬文官染疫卒婦絕粒六日誓以身殉姑力勸始勉為加餐而匱中物輒取以分贈家人姑知其意防之愈密父映瑾故城居乃託以歸甯竟飲鴆卒年甫十七距夫死時再閱月也採訪册

孟烈婦武達文妻陽白村孟遇梅女也達文歿遺孤彭善甫免懷婦乳哺畢即付翁姑提攜終日不問所之漸並乳哺亦疏乃從容自縊死蓋死志久定而慮呱呱者驟失所依貽堂上感也親黨咸嗟歎不置云

本採訪册

郝烈婦小王村鄭王佐妻郝家隘人也父全仁業農婦歸王佐未期而寡誓以身殉家人力慰之婦佯應為夫治喪具甚備葬之前夕自縊於柩側本採訪册

邢烈婦泉巖村邢敬女也十歲時出為朱某養媳長而秀美姑利之誘令倚門婦不從加之箠楚至翦其股肉血流淋漓而自守益堅乃陰與所約者謀將強劫婦知不免飲毒死時年二十一咸豐九年某月也

本採訪册

王烈女，村民王二有女，小字老忙，有姿色，同里陳氏子者，素佻達，伺閒挑之，誣以穢行，女大恚，旋自盡，事發置陳子於理，女予旌。本縣冊

三貞女者，劉氏邢氏，不詳家世，其一李氏，迎翠，東社村民，天成之女，與劉邢戚也，年十三，偕二女遊梨園，驟爲惡少王昌身所迫，相繼投崖，劉女立死，迎翠及邢女負重傷，悶絕，旣而皆蘇，聞於官，官適有他案，待檢驗，觀者如堵，乃密諭天成，令負女陰察之，眾中果得昌身，一訊而服，案定，劉氏予旌，其二女並嘉獎賞。

銀牌迎翠，後歸永新村馬鍾英，年二十六，病卒。

本採訪冊

王氏，生員張素蘊妻，年二十一，遭夫喪，家貧，子瞻，生

甫二齡，姑亦早孀者，與祖姑二世相依，氏茹荼矢志，

仰事俯育，以孝慈稱，子瞻有學行，後舉於鄉，乾隆初

旌如例。

本舊志王瑋，張節母，王孺人，傳孺人王氏，父紹先，世居古城里，性端淑，寡言笑，時父每

謂此子適人，必作好婦，然雪意冰情，吾恐其爲松筠操也，年十七，歸生員張太公，素蘊字達，修事祖姑及翁，極孝，且善事繼姑，翁病劇，夜索湯，甚急，孺人取出之，忽屋瓦飛墜，奴驚避，孺人叱之，聞羣崇語曰：此王孺人，不可犯，其剛方貞靜，鬼亦畏之，如此，夫患癰，禱神，請以身代，及易箒時，以遺子，日宣泣，見託時，孺人年廿三，承命流涕，典釵珥爲棺斂，葬之中庭，云：若子方三齡，未能牽舛，且使九泉人朝夕視吾，不負所託。

耳撫子慈而嚴雖兒戲有過失必杖警之年約三旬
悲愁鬱積鼻端成瘡閱三年不愈勢且險祖姑令延
醫視之泣曰婦人障行蒙首我寡婦也鼻即斷安可
令醫人見且手摩之天未絕吾母子命當自愈閱月
忽痊臺邑山多土少會大旱米貴繼以地震土寇肆
發孺人終日握白刃擁幼子扃戶自衛計危迫有矢
清白與俱盡耳及日宣年十三孺人曰直人入土爲
安今兒長可奉昇矣乃安葬西嶺之陽後日宣年十
六入泮十入食廩餘孺人述其父語訓之曰爲仁不
熟不如美稗旣爲秀才當思絕頂事作天地間一奇
男子又曰舌耕乃儒生本色切不可預公事取非義
財墜我家聲也祖姑老病且危奉持曲至繼姑病欲
飲米酒親爲煮鬱金香醴奉之及歿喪葬俱如禮王
子曰宣由選拔授鄉魁孺人八十有二行不拄杖家
事無巨細猶親操之乾隆二年十二月禮部彙題奉
旨建坊旌表大祠嗚呼天之所以報節孝者可謂
榮矣夫夫亡子幼兩世俯仰盡責之冢婦之身而且
大荒疊見大喪頻仍此卽奇男子尙難爲之乃以一

婦八肩重任目計手畫卒能自成其志享
上壽而荷榮旌何其偉與何其偉與

張氏環村坪韓國柱妻儒村張儒珍女也事翁姑甚
得歡心及寡與姑形影相依跬步無苟姑卒停柩數
年每飯必泣奠已而翁病痿臥牀翁長子國棟知婦
淑慎侍奉一倚婦凡盥漱廁踰必躬進歷十一年無
少懈鄉人感其孝爲之請旌建坊里門坊成翁令人
昇至前以首伏地曰是卽所以報吾賢婦也翁年踰
八十卒未幾婦亦卒

本採
訪冊

閻氏陳家莊李天眷妻生有子女而寡姑又逝以家

世才傳勸翁再娶翁年已望七矣感其誠爲娶於閻氏生子一女一翁以壽終未幾繼姑亦卒弟妹皆賴其鞠育以長婚嫁躬任之視子女爲有加也由是家日以起有讀書躋庠序者鄉人甚稱爲之請旌採訪案舊志所列節婦已旌者國朝止張素蘊妻王氏一人採訪冊續旌節婦有事實者亦止張氏閻氏二人雖年分相懸例必先書餘悉依原本類次之

李氏陳五倫妻安貧矢志嘗拾遺穗或代人執箕爨以奉其姑姑年八十七乃卒附身者皆具悉十指所積也卒無子年七十三舊志

呂氏雙節者呂珩妻曲氏及子致和妻徐氏也家世寒素婦姑並早歲覲凶守節踰三十年霜雪一堂見者起敬本舊志

張氏劉性之妻貢生張煒女也性之病歿遺一女甫周晬親族無可依乃抱女之母家煒煒矢志自十九歲訖暮年茶檠自甘始終不渝本舊志

韓氏張瑛妻瑛卒貧不能給攜三子依父母以居課子讀書終身志節凜然舊志

薄氏諸生曲文晶妻定襄選貢元素女也守節及五

十年其長子某早逝遺孫六人皆鞠之成立舊志

黨氏東冶鎮白時興妻夫歿無子女孑然一身力作以養其姑縣令周給布粟嘉獎之舊志

張氏生員王之柱妻之柱沒值寇變攜孤避地艱苦萬狀卒撫以成立其季子公瑞早逝媳馬氏亦矢志

事之甚孝鄉里稱誦舊志

張氏雙節者張登閣妻白氏年十九而孀撫遺腹子謂守節三十年登閣弟景元亦早逝其妻徐氏亦矢志其子論訥及謂並諸生食餼雁門道柯嘗以雙節

榜其門舊志

毛氏河邊村民楊文光妻文光爲虎傷婦時年十九

守節及六十年舊志

曲氏河邊村劉子燦妻年二十遭夫喪撫七月孤食

貧矢志守子長名之曰立節以見志舊志

續氏五級村徐應選妻夫歿無子未幾翁姑亦卒或

勸之嫁不可依母家以居年六十七感疾呼弟侄亟

送我還必死於徐氏也從之其日卒舊志

吳氏劉家莊趙維普妻子少家貧矢志不渝常行乞

以奉母歲饑無所得有遺粟馬糞中者婦掬而淘之再四嘗以潔者進母而自噉其餘其孝如此

舊志

張氏東寨村劉大善妻年二十一而寡事姑有孝稱

苦節數十年其孫從龍早天媳史氏亦以節著

舊志

張氏孫家莊閻心鎔妻夫歿守志其嗣子鷹揚早逝

孫萬年生甫晬與媳李氏協力無之

舊志

同治中彙旌見學冊

白氏劉家莊劉晃妻晃死子漢玉生甫四月家貧矢節撫之事繼姑以孝聞

舊志

張氏泉巖村楊道生妻年二十一守節踰三十年子

死撫其孫未幾孫亦死覺覺老嫠咸悲其過

舊志

王氏炭頭村白諭妻年十九遭夫喪子爾達生甫二

月茹荼撫之卒年八十五

舊志

白氏劉憐妻憐歿撫遺腹子守節二十四年以勞瘁

積疾卒年甫踰四十戚黨悲之

舊志

孟氏四家莊白文顯妻年二十三而孀舅姑相繼逝

撫數歲孤棲身破屋母子形影相弔人稱苦節

舊志

郝氏炭頭村郝文星妻早孀撫遺腹子矢節貧資鍼

衽以度日

舊志

王氏炭頭村張克信妻夫歿遺一女乃擇族子爲夫立嗣婦節母儀並爲時稱舊志

白氏寺家莊張大顯妻孀居撫其二女矢志不渝舊志

孟氏郭家莊張翔妻翔死無子守節歷五十年舊志

師氏雙節者東雷村師文望妻呂氏與子婦韓氏也子慎修七歲而孤力學爲諸生未幾病卒姑媳形影

相弔煢煢守志人悲其遇而嘉其節舊志

劉氏雙節者劉法年妻康氏及子漢興妻柳氏孀居矢志婦姑同行家劉建村村人翕然頌其賢舊志

高氏東茹村張恩明妻無子守節志行甚堅舊志

宋氏郭家莊張福慶妻早孀無子苦節歷三十餘年

人多稱之舊志

續氏南頭村王嘉彥妻廿五寡家貧無子稱苦節舊志

王氏潘家峪鄭本深妻廿六孀居家甚貧節不移舊志

趙氏雙節者諸生趙敬修次子克讓妻孟氏及三子

乾利妻田氏也並年十九守志終身舊志

周氏三節者八塔村周臣爽妻常氏孀居矢志動有

禮則子琬珉並早逝琬妻張氏年十九撫周睟孤鳳

翔珉繼妻高氏年十六撫前室子鳳騰皆克成立而
常氏以節壽爲里黨所欽時稱五世同居一門三節
舊志

曲氏王廷彥妻廷彥歿年甫十九撫遺腹子守節四
十年卒舊志

楊氏高洪口張作妻年二十二遭夫喪無子苦節終
身壽八十八歲卒舊志

邊氏西馬村王建治妻守節三十三年生計艱苦志
不少渝年五十四卒舊志

鄭氏三角村李茂林妻早孀無子奉姑孝撫侄慈舊志

胡氏潘家峪鄭士學妻孀居六十年能孝繼姑節舊志

梁氏師純修妻年二十一矢志撫孤時稱苦節舊志

陳氏王詔爵妻歸詔爵生子建極而詔爵遊湖廣不

返守節至八十五歲卒知縣楊嘗匾獎之舊志

張氏五級村梁永甯妻結褵三載夫卽外出一去無

耗撫遺腹子耀德備極艱苦值歲荒併日而食不形

怨尤年七十六以壽終舊志志又載有馮氏東茹

未彌月均泰適粵東不返有傳言其已故者父母欲
別嫁之馮氏矢志不從越三十五年均泰始歸重得

聚首云云案此與陳張二婦事蹟畧同然白首重聚與青年永訣者究爲有異姑附其名

姚氏西馬村席大士妻厚岡村民榮春女也孀居守志甚有禮則屢值坎坷卓然自立士流多爲詩文敘之盛稱其有母儀云採訪冊

李氏東會村趙三妻三死貧無所依母家故小康攜兩孤就食焉兄弟以其稚年勸令改適忿然去抱子乞食鄉里時或不飽然親故之門不輕至也其兄弟陰爲擇壻聞知立自戕遇救得免後無敢以非禮干者子稍長使業農衣食粗足年踰六十卒採訪冊

趙孝女名蓮父實東冶鎮人家赤貧徙居忻州明望村女年十一母亡兄尋逝與父相依爲命及笄有問名者泣不食曰父異鄉子立所資以待老者予一人耳今適人何以終餘年父知志不可奪罷婚議女隨父耕穫調度日用親勞苦久之家少裕勸父再娶延嗣續父以老病辭女不得已爲亡兄購螟蛉子實流亡之餘零丁孤苦自女備極色養聊自慰年八十餘卒女一痛幾絕撫兄嗣育之長爲擇婦教之有禮法姑侄如母子焉趙門戶甫立而女將老終身不嫁居

有年薄有田產鄉人以派充徭役訟之官州牧高崇基見皤然白髮飾猶處女訪得其情以秀容孝女匾其門州人重之上其行於學使朱福基批予北宮遺

則四字

本忻州志

貞孝節烈志同事異其行蹤各異者既分別立傳並收舊志所錄共九十有四人凡孝女二烈女三貞女五烈婦三十有一節婦六十有二其志事俱同並稱苦節者前後通計三百三十有一人彙列姓氏於左、

梁氏河邊村曲滿屏妻

薄氏河邊村生員曲佐辰妻

王氏河邊村曲配斗妻

曲氏河邊村鄭德成妻

薄氏河邊村曲濟直妻

陳氏河邊村閻繼閔妻

梁氏呂家莊呂傳商妻

王氏環塔坪韓相臣妻

王氏西頭村白某妻生員紹先之母

周氏東峪村胡康妻

張氏東峪村胡二正妻

羅氏陳家莊胡應臣妻

張氏陳家莊趙永益妻

李氏孤獨店羅錦繡妻並子婦羅氏

張氏安郢妻

閻氏白家莊白洞雲妻

劉氏東茹村生員張璽妻

羅氏裴家溝村席奉璋妻

梁氏五級村劉殿立妻

張氏五級村王述修妻

周氏建安村徐鍾理妻

白氏建安村徐宣焯妻

呂氏夾子灣王子龍妻

梁氏石村徐憲章妻

趙氏東冶鎮朱呈麗妻

薄氏東冶鎮徐建初妻

徐氏東冶鎮呂中音妻

趙氏東冶鎮宋鵬妻

智氏東冶鎮趙徵鳳妻

張氏北大賢村白闈然妻

盧氏西坡村鄭林順妻

田氏本城劉新業妻

楊氏小王村鄭廣心妻

劉氏甄家莊王掄魁妻

郭氏上金山劉倬妻

徐氏白贈妻

趙氏監生趙峻德妻

樊氏上金山劉成文妻

張氏上金山劉淳妻

智氏下金山張貴生妻

張氏桑家掌郭世官妻

康氏白榮祖妻

李氏小王村鄭侃如妻

楊氏小王村鄭崇典妻

劉氏松巖口史爲仁妻

呂氏高家莊諸生王心甯妻

梁氏西雷村張永興妻

張氏西雷村張文煥妻

楊氏東寨村王鈞虞妻

韓氏河北村王懋時妻

郝氏陽白村孟王卿妻

楊氏郭家莊張某妻諸生芳之母

以上五十一人並舊志未旌節婦

岳氏東岡村張王英妻

閻氏寨裏村武生劉緒唐妻

劉氏甄家莊王澤潤妻

李氏本城王凝馨妻

梁氏溝南村王國禎妻

以上五六同治五年旌本縣冊

李氏耿家莊羅登柱妻

郝氏唐家灣白秉清妻

劉氏閣兒村張適中妻

張氏高洪口楊奇牲妻

白氏栗維新妻

楊氏趙永全妻

張氏楊鏡宇妻

閻氏胡遂心妻

李氏毛家村毛五十一妻

白氏新村徐升榮妻

閻氏河口村劉大妻

張氏王恩洋妻

閻氏小竇村張先業妻

安氏新莊村張久妻

楊氏陽白村孟開昌妻

張氏高洪口胡金生妻

楊氏東馬村杜宗甫妻

張氏宏塘村鄭基德妻

鄭氏團城村韓澤深妻

李氏官莊邊金湯妻

王氏田家岡田雨元妻

趙氏永興村馬德普妻

張氏永興村馬朝雲妻

王氏官莊白亮宇妻

于氏五級村杜實秀妻

田氏槐陰村趙守鐸妻

郭氏郭家莊張發身妻

張氏上耿家莊劉丕緒妻

閻氏南茹村張四維妻

章氏本城張弼光妻

章氏金剛庫張一元妻

王氏東寨村閻俊福妻

馬氏本城劉惠遠妻

殷氏維摩莊白含英妻

張氏北大興村李成魁妻

閻氏維摩莊白含輝妻

岳氏河北村王光昶妻

安氏橫嶺村張鳳翱妻

楊氏鶴子溝劉元德妻

田氏北大興武得溫妻

王氏竇村鎮張子恆妻

李氏柏板口張永清妻

張氏松家莊閻青選妻

白氏羅家堰羅文秀妻

郝氏東山村鄭子榮妻

賀氏南大賢張光斗妻

趙氏東冶鎮孫豐年妻

李氏東茹村庠生張勳妻

郭氏東冶鎮康德修妻

楊氏蛇神村秦鳳山妻

楊氏醬坊村鄭建寅妻

高氏蛇神村鄭作賓妻

張氏西雷村王槐齡妻

曲氏瑤池村毛五岳妻

張氏茹村王世熙妻

田氏古城村楊槐妻

江氏邊家灣王步斗妻

田氏蘇子坡安晏妻

田氏前堡村薄祥珍妻

李氏東冶鎮徐耕田妻

賈氏古城村楊化宇妻

王氏古城村楊楹妻

王氏小玉村鄭增德妻

周氏下會村楊希渠妻

張氏維摩莊白純眞妻

王氏東冶鎮田禮妻

張氏鶴子溝劉寶樹妻

張氏古城村楊際昌妻

張氏高家莊王選中妻

聶氏本城王士廉妻

杜氏寨裏村楊富林妻

石氏北大賢王爲政妻

康氏五級村張裕德妻

張氏史光鼎妻

張氏上耿家莊劉振玉妻

安氏小岡村呂廷傑妻

張氏武生周銘凡妻

楊氏照吞口武生張俊德妻

列女

杜氏南關鄭龍旺妻

王氏高洪口張會昌妻

呂氏王世俊妻

王氏溝南村岳耀文妻

張氏團城村韓五四妻

李氏槐陰村趙興廉妻

田氏北大興王財義妻

張氏上西村田遂生妻

安氏西榮村殷崇章妻

鄭氏東治鎮李琮妻

杜氏神佑村張映庚妻

張氏寨裏村劉澤沛妻

武氏寨裏村劉從周妻

楊氏陽白村孟清明妻

張氏松巖口羅錦妻

張氏上西村田得雨妻

郭氏東治鎮趙懷清妻

王氏毛家村李青陽妻

張氏松巖口李正富妻

白氏四家莊張恩壽妻

田氏古城村楊旭臨妻

李氏三角村賈秉鉞妻

鄭氏南坡村王清泰妻

劉氏松巖口史儒林妻

張氏本城王世昌妻

郝氏西雷村王廷瑞妻

白氏松巖口史景儒妻

劉氏松巖口史詳政妻

韓氏西雷村張長修妻

楊氏上西村田潤妻

張氏松巖口史秉鐸妻

趙氏高家莊王天佑妻

姚氏西雷村鄭硯妻

盧氏裴家岡裴麗午妻

白氏上西村田翼宇妻

王氏上西村田克敬妻

徐氏蘇家莊陳嘉章妻

李氏東營村劉世卿妻

閻氏陳家莊李英祖妻

張氏上耿家莊劉霜鋒妻

張氏河東村王瑞麟妻

劉氏溝南村姚逢菖妻

郝氏四家莊白文煥妻

胡氏國都殿羅二昌妻

孟氏三角村賈明堂妻

張氏三角村賈希珍妻

張氏坪溝掌鄭旌里妻

趙氏石村徐敦德妻

孫氏五級村張成儒妻

王氏五級村劉清雲妻

趙氏甲子灣徐肯堂妻

戎氏蘇家莊楊旺才妻

曲氏五級村趙嘉會妻

王氏五級村張慶棻妻

李氏東會村趙印妻

白氏郭家莊張際茂妻

柳氏溝南村劉文炳妻

劉氏溝南村岳映霞妻

戎氏王家莊張永年妻

趙氏五級村康民彝妻

李氏楊  妻

縉氏永安村朱文林妻

任氏閭家寨閭聚義妻

董氏泉巖村楊潤恭妻

白氏南陽村高正光妻

王氏四家莊李安崇妻

劉氏松巖口羅幹中妻

安氏蘇子坡王臨溪妻

李氏東峽村韓廷選妻

趙氏東冶鎮智定國妻

劉氏東冶鎮趙恆章側室 

董氏金剛庫李永信妻

劉氏大峪口武生鄭卓棟妻

胡氏高洪口楊安民妻

李氏白雲村朱映陽妻

田氏小王村鄭遐齡妻

馮氏本城王智國妻

趙氏橫塘村董善術妻

梁氏白雲村朱應堂妻

張氏西峽村韓培烈妻

閻氏兩澗村高升龍妻

王氏竇村鎮盧肇永妻

鄭氏潘家峪盧清吉妻

李氏永陽村白銀保妻

劉氏東茹村張志純妻

劉氏瑤芝村戎文臣妻

任氏走馬嶺王三槐妻

王氏毛家村李得陽妻

安氏西天和周良士妻

安氏漢嶺村王元順妻

王氏楊家崙趙海林妻

馮氏西坡村鄭名揚妻

閻氏西坡村鄭寬妻

鄭氏南茹村張鵬舉妻

高氏小竇村張光銀妻

韓氏灣子村王龍珠妻

劉氏石嶺村王培模妻

劉氏王家莊張進智妻

馬氏王家莊張自興妻

王氏王家莊李九齡妻

鄭氏後岡村姚守素妻

杜氏後岡村姚相唐妻

武氏東長畛安俊吉妻

楊氏邢家莊閻寓和妻

史氏鷓子溝劉鋒化妻

張氏上耿家莊劉致中妻

王氏東茹村張紅玉妻

甄氏東冶鎮張和聲側室

劉氏東茹村張孝基妻

呂氏上西村田樹生妻

田氏劉建村劉元鐸妻

郭氏上西村白純靜妻

王氏白家莊白海玉妻

鄭氏山角村賈來全妻

鄭氏南大興白守清妻

劉氏老人坪張宣妻

張氏高洪口劉靖坤妻

張氏高洪口楊慶元妻

白氏劉建村高山妻

張氏唐家莊劉成幹妻

王氏殿頭村張志熙妻

高氏黑龍池黨作楫妻

徐氏毛家村毛金富妻

楊氏大石村朱維寅妻

王氏兩澗村高其權妻

衛氏上莊村郭有恆妻

毛氏竇村鎮張子興妻

楊氏後岡村姚理妻

張氏後岡村姚濟俊妻

鄭氏後岡村姚希虞妻

宋氏下紅彪村王汝翼妻

孟氏下紅彪村閻成業妻

張氏下紅彪村劉士傑妻

劉氏董家村董澤清妻

焦氏河邊村劉錫印妻

劉氏西莊村邊藩鏡妻

鄭氏竇村鎮張熾妻

田氏永興村朱子恭妻

韓氏西天和村張俊秀妻

梁氏堂明村裴九經妻

張氏後岡村姚萬齡妻

劉氏走馬嶺村王成立妻

武氏永興村張如意妻

謝氏永興村白秀琳妻

高氏馬家莊李戒龍繼妻

白氏石益口村武丕第妻

朱氏大石村王紹文妻

張氏宏塘村鄭銘彝妻

張氏泉巖村高銀漢妻

田氏走馬嶺王嘉章妻

高氏走馬嶺王還來妻

安氏安家村閻守貞妻

張氏董家村董謨妻

杜氏神佑村師立業妻

張氏照吞口周俊德妻

楊氏照吞口張士俊妻

楊氏觀上村任令尹妻

殷氏新莊村侯錫衮妻

閻氏新莊村盧慶雲妻

劉氏溝南村呂廷誥妻

田氏郭家寨郭端元妻

邊氏董家村董敬五妻

張氏神佑村師立志妻

栗氏呂生英妻

李氏下會村楊國楨妻

劉氏東茹村張霽妻

郭氏西天和村周國治妻

張氏河口村劉運昌妻

羅氏河口村劉豐年妻

馬氏觀上村畢維凝妻

張氏觀上村李作良妻

張氏毛家村李太和妻

劉氏兩澗村高其勳妻

王氏石嶺村王延齡妻

王氏毛家村毛麟德妻

張氏田家村郭昌興妻

杜氏本城周世昌妻

毛氏槐陰村趙子謨妻

張氏團城村韓作翼妻

王氏兩澗村高雲超妻

高氏圍墻村郎明鏡妻

趙氏槐陰村杜馮生妻

楊氏西村鄭建官妻

張氏醬坊村高廣成妻

趙氏田家岡田德文妻

呂氏松臺村庠生王丕經妻

張氏松巖口史光魁妻

徐氏橫嶺村張兆弼妻

劉氏王家莊張連科妻

閻氏小王村鄭秀昇妻

張氏小王村鄭華玉妻

劉氏永安村徐清彥妻

申氏北大賢張憲中妻

章氏柏蘭村張挺身妻

張氏兩澗村高維翰妻

董氏小竇村張如山妻

以上節婦二百七十四人彙旌外並備冊待旌

藝文

縣以山得名清涼靈蹟代有紀述而山志

巡典疊經

宸翰親題詞臣彙輯下邑偏陬榮幸無涯至於鄉人
著述或多散佚就其所存足資文獻哀集及之亦
志乘之光也爰敬錄

敕撰之書於前其故籍流傳私家論說並以年次列
其名目卷數以補前書所未備云

欽定清涼山志十卷

五臺新志卷四
原書爲順治辛丑喇嘛阿王老藏所輯康熙甲戌喇嘛老藏丹巴續修進呈

乙覽

聖祖仁皇帝御製序文弁首乾隆嘉慶中疊

敕館官增輯全書凡

巡典

天章悉案門恭載、

西巡盛典二十四卷

嘉慶十八年

仁宗睿皇帝行幸五臺山

回鑾館臣董誥等奏請纂輯其年七月書成、

御製序文刊行、

古清涼傳二卷廣清涼傳三卷續清涼傳二卷

阮元學經室外集唐釋慧祥撰古清涼傳宋釋延

一撰廣清涼傳續清涼傳宋張商英朱弁所撰廣

續二編藏書家多未著錄惟古清涼傳見宋史藝

文志凡方域名勝及高僧靈蹟莫不詳載延一收

摭故實推廣祥傳更記寺名勝蹟以及靈異藥物

其中多涉及儒家且有六朝人文如晉釋支遁文殊像贊序又殷晉安郗濟川讚並世所希見而遁序尤足補本集之所佚若王勃如來釋迦成道記釋迦佛賦今四傑集文苑英華俱無之是編或以爲金大定時寺中藏版未附補佗傳峩峩贊乃元人所集明釋又從而附綴之也案山志當卽明釋易名爲志而阿王老藏重加編輯者其書於儒家文字多缺採錄今舊志已不可見無從知其孰刪削也

五臺山志一卷

明史藝文志喬世甯撰案世甯字景叔耀州人嘉靖戊戌進士官至四川按察使靜志居詩話稱其有異稟日記數千言至老好學不倦云云此書未見傳本

扈從西巡日錄一卷

國朝高士奇撰士奇字澹人錢塘人由諸生官至內閣學士

四庫全書提要康熙癸亥

聖祖仁皇帝巡幸山西

駐蹕五臺山士奇時以侍講供奉

內廷扈從往來因記途中所聞見始於二月十二日甲申迄於三月初七日戊申凡山川古蹟人物風土皆具考源流頗爲詳核而

鑾輅時巡太平盛典亦一一具載伏而讀之猶仰見聖化咸熙豫遊和樂之象洵足以傳示來茲卷末載詩二十四首皆其途中所作彙附於後者也士奇筆札本工又幸際

聖朝預驂法從因得以筆之簡牘流布至今亦可謂遭逢之至幸而文人之至榮矣

康熙五臺縣志八卷

康熙二十六年知縣周二進纂修其自序畧云臺山爲三晉之勝甲乎天下邑以山名蓋從乎地之勝也乃自宋元明以來竟未有志我

朝武威遐播文教聿興徵諸下邑各獻輿圖而斯邑闕焉其謂之何三進承乏茲土苦於無才又無成迹可考於是集邑之紳士擇其有學識者或訪故老或採遺編始於丁卯之春迄仲夏歲備云云其

凡例稱臺志肇自金天會閱至明永樂重修之天會版籍云亡明書間有存者姜寇犯境盡燬於兵似三進修此志時於明人舊志亦實未見故不能舉其撰述姓名書分圖畫輿地建置食貨官政選舉人物藝文八門區以子目凡六十七參校者爲舉人間襄歲貢張煒楊鶴鳴張繩張紘張肇修副貢張絜諸生呂先聲張紳張約

乾隆四十二年知縣王秉韜續修其書門目卷數

悉仍周志之舊惟卷首恭錄

宸翰又改原目輿地爲星輿爲稍異耳自序畧云韜於丙申歲秋九月承乏茲土冬月晤邑進士劉溥元元孝廉鄭性善劉鉞升輩咸以續修請惟時甫蒞任大端未舉弗遑及也迨丁酉九月一切興革稍

振先貢生鄭敷政王吉士白樂清諸生劉季恆汪
漢光張士苑張崇本劉成望鄭紹武徐天敘張斗
南附存其名、

五芝堂全書十卷

張燠撰前書云燠所著有四書正義易注等書嘗
就正於傅山山爲校正題曰五芝堂十卷甥王運
元宰廣東海陽縣攜稿赴粵謀授梓未及梓而運
元卒於任稿遂散失後人有鈔集者乃雜文及詩
非原稿也、

叔玉詩草 不詳卷數

楊慥著其書散軼不傳 御選金詩中州集並採
其詩其詠乾陵云牝雞一啄血波流天下何緣不
姓周今日阿婆心力盡乾陵禿似老僧頭其過司
竹監有懷王監正之二云不見松邱跨鶴仙才名留
得萬人傳春郊漬酒傷今日夜用論文記昔年塚
樹漫懸公子劍高山已絕伯牙絃故居修竹青青
在寂寞終南落照邊

書帶草堂詩稿一卷

劉溥元著徐繼畚序之曰劉謙齋先生與先祖九江公爲兒女媼親公成進士最早 賜歸待選閱十餘歲始宰豫之內鄉循聲藉藉遺愛不朽家居時設帳受徒暇則寄情吟咏其詩天才贈逸情韻悠長於 本朝宗工極似漁洋山人爾時與諸名士相唱酬爲詩蓋亦夥矣惜年久散佚存者寥寥然亦足以窺其一斑已其後人將刻公詩俾余爲序余素不工詩何能序先生詩顧欲以誌景仰之誠乃謹書數語而歸之

原稿有其孫升瑛跋不備載

蘭室遺集六卷

張暄撰石皓序之曰日宣先生業慧三生學窮五際重成均之選登孝廉之船蘇廷碩文陣雄師虞伯生斷獄老吏詞華獨擅壇坫交推歸然以詩文名者久矣而人往風微音沈響絕知交俱盡文獻無徵寂寂百年悠悠眾口指故園之喬木已換青暉問篋衍之遺章僉言零落蓋先生之制藝人猶得而讀之其餘著述則人無從而見之也今先生從曾孫憲曾哀其蘭室遺稿全集示余余受而讀

之其詩文皆自得天機獨標眞賞今懷歷落古調
蒼涼寄身世於奚囊寓榮悴於湘管嗟乎以先生
之才之學而顯揚之使之入木天登蓬苑發抒洪
藻潤色昇平庶幾不負初心諒已無忝作者而乃
堂蓑落拓誰憐夏課之勤隍鹿迷離徒續春明之
夢兼之芙蓉幕冷苜蓿盤空燕已換於巢痕鴻更
尋夫爪迹往往望白雲而思親舍對青鏡而感年
華顧坎壈其奚堪或鬱伊之已甚然而名途偃蹇
尙餘拔劍斫地之心暮景飄蕭不少攜句問天之

興所謂老而益壯窮乃益工者殆天故淬厲之以
發其奇而非抑塞之以屯其遇也是集向無副墨
舊鈔鈔行凡有心裁祇存掌錄推敲未已塗乙宛
然蓋將置廬阜之徑函乃勒禮堂之定本焉憲曾
珍茲手澤重等楹書排比裝潢整齊卷帙既又念
收之秘笈或來覆瓿之譏而懸之國門可競懷餅
之客乃謀久遠以廣流傳辱索弁言云將付梓竊
惟鄙厨之美非茹毛者所及知也房綿之温非衣
鷄者所得測也以皓讀訛雖覓識味如豨既樹腹

之終枵官薑芽之暫斂乃欲盱衡往哲揚推華篇
縱使豹可管窺正恐蟲難冰語將捫槃而自笑亦
望若而先驚矣惟是累世論交通家竊附乎元禮
半生私淑瓣香敬祝乎南豐翰墨甫披神明宛接
幸斯文之不墜欣來者之能賢敢効引伸畧陳始
末若謂揚修定敬禮之文元晏序太沖之賦則是
僂言神口而竟忘其爲著糞佛頭也是爲序

其評曰詩

則英雄兒女各具深情泉石風雲都歸遐抱其爲
文復訂叢編於甲乙識雜事於癸辛大要散體以
卓犖見真駢體以繁縟特妙無施不可有美兼收
極才思之縱橫而通人之軌轍

敦艮齋遺書十七卷

前不設詞

徐潤第撰子繼畚裒集授梓湯金釗序之曰凡人
無一刻不在妄念中無論不當起而起爲妄卽當
起而不以時時矣而遂於識解亦妄懂懂往來朋
從爾思求片時之靜不可得習靜者凝然端坐自
以爲靜矣不知仍非心靜其弊也喜靜厭動遇事
輒亂昔儒有言曰苟有欲焉雖閉關靜坐心齋坐
忘而其心未嘗不動也苟無欲焉雖紛華雜擾酬
酢萬變而其心未嘗不靜也廣軒徐先生博綜羣

書精研周易著敦艮齋遺書十七卷深有得於周子主靜之傳溯其源於艮背默契心融旁推交通謂孔孟詩書言性言天以氣不以理辨後儒分理氣爲二之非謂主敬之說或誤會而操持太嚴反失靜之本體明周子主靜之善之二說者最有益於後學何者養心修身舍氣而別求所謂理則枯槁而無成也舍靜而別求所謂敬則束縛而不安也向嘗疑之先生言之實獲我心也恨不及見先生一叩艮背之法終日憧憧於妄念中而不知所止展讀是篇用自愧懼且自勵云哲嗣繼畚予典會試所取士也奉書求序謹書所見而歸之

瀛環志畧十卷

徐繼畚撰自序曰地理非圖不明非履覽不悉大塊有形非可意爲伸縮也泰西人善於行遠帆檣周四海所至輒抽筆繪圖故其圖獨爲可據道光癸卯因公駐廈門晤米利堅人雅裨理西國多聞之士也能作閩語攜有地圖冊子繪刻極細苦不識其字因鈎摹十餘幅就雅裨理詢譯之粗知各

國之名，然匆卒不能詳也。明年再至廈門，郡司馬霍君蓉生購得地圖二冊，一大二尺餘，一尺許，較雅神理冊子尤爲詳密，並覓得泰西人漢字雜書數種，余復搜求得若干種，其書俚不文，淹雅者不能入目，余則薈萃採擇得片紙，亦存錄勿棄。每晤泰西人，輒披冊子考證之，於域外諸國地形時勢稍稍得其涯畧，乃依圖立說，採諸書之可信者，衍之爲篇，久之積成卷帙，每得一書，或有新聞，輒竄改增補，稿凡數十易。自癸卯至今，五閱寒暑，公事

之餘，惟以此爲消遣。未嘗一日輟也。陳慈圃方伯鹿春如觀察見之，以爲可存爲之刪訂，其舛誤分爲十卷，同人索觀者多，懇懇付梓，乃名之曰瀛環志畧，而記其緣起如此。案是書於道光戊申刊於福建，同治乙丑繼畬應召進呈，板入內府，今都城有翻刻本，上海有繪刻本，茲錄其自序以見原委。原書卷前有劉韻珂彭蘊章鹿澤長三序，後有陳慶偕一跋，不備載。

退密齋遺集六卷

徐繼畬撰。繼畬卒後，門人徐耘田、杜子葵、徐懌所編，凡奏議四卷，詩文雜著二卷，未梓。

附錄

雞肋集

不詳卷數

宋五臺簿姚孝錫撰中州集云孝錫詩七言如節物後先南北異人情冷暖古今同久客交情憐冷暖衰年病骨識陰晴元宴暮年嘗抱病子山終日苦思歸深林有獸鳥先謀廢圃無人泉自流食貧豈復甘秦炙客病終懷奏楚音五言如岸漲魚吹沫山空石轉音谷虛生地籟境寂散天香皆佳句也

案孝錫於金初棄官隱居縣中吟詠自娛歷五十餘年金源一代縣人如張節使楊大參諸公並以文章名世風氣實由孝錫而開中州集於諸人不舉其集名蓋詩皆得之散佚之餘文則自大參所撰東巖墓誌外無一字流傳

東巖遺山父德明文見中州集德明小傳

中而孝錫詩中並附載其身後哀輓諸作可想見其時交遊之盛矣

佛土嚴淨經一卷時日經一卷發願經一卷不思議佛境界經一卷最勝名義經一卷寶藏陀羅尼經一

卷問經二卷、問菩提經一卷、又經論一卷、般若波羅密經一卷、摩訶般若波羅密經一卷、淨律經一卷、並文殊師利所說、詳見釋藏、臺山之盛、因文殊道場而顯、爰仿隋書經籍志例、撮其目於篇末、其尊宿古德所著語錄之類、不復徵及、

雜錄

宋朱長文續吳郡圖志、終以雜錄、近代地志多仿之、遂爲通例、前書門類、簡括體具、別裁不尙徵引、然軼事陳迹、有關一邑之掌故、文獻不得而畧也、茲所續集、依原目止於藝文、目有未備、概從附見、其不能盡括者、仍增立此門、統歸卷末、已具清涼山志者、例不錄、亦不勝錄也、

漢慮虜銅尺、今藏衍聖公府中、銘十四字、曰電囑銅尺、建初六年八月十日、置醴、居易錄云、漢章帝時、洽

道舜祠下得玉律以爲尺與周尺同因鑄爲銅尺頌
郡國謂之漢尺此或其遺與兩漢金石記云後漢書
郡國志慮虜隸并州太原郡前漢地理志師古曰音
廬夷建初六年爲章帝卽位之六年辛巳上距建武
五十餘年予嘗準此尺以度王莽時貨布及漢時諸
器無不脗合者以此知建初尺與劉歆尺建武尺皆
不相遠而周尺之制亦可因以類推矣尺上陰款字
在篆隸之間積古齋鐘鼎彝器款識云曲阜孔氏所
弄銅尺重今廣法平十八兩四廣準此尺一寸側厚

準此尺五分與周尺同當古尺一尺三寸六分當漢
末尺八寸與唐開尺同當宋省尺七寸五分當明部
定官尺七寸五分弱當今工匠尺七寸四分當今裁
尺六寸七分當今量地官尺六寸六分當今河北大
布尺四寸七分翁氏兩漢金石記又云隋志列十五
尺一周尺卽劉歆之銅尺建武之銅
尺祖沖之銅尺荀勗命劉恭所造之尺謂之晉前尺
者是也二晉田父玉尺則世說所稱田父於野中得
周時玉尺者也此比晉前尺爲一尺七釐矣四漢官
尺卽以文學奚景所得舜祠下玉律而度之與始平
尺同此則比晉前尺爲一尺三分七釐沈冠雲
著周官祿田考所繪古尺圖與此尺正相合

案縣中金石自來無著錄者臺山名刹相望徧訪

之僅得元人歐陽圭齋一碑相傳寺中古刻悉爲
番僧所毀信然獨幸此尺流傳至今考古家審定
與周尺同三代制度藉以有稽仿造者今徧及海
內不止爲縣中故實也爰條舉諸說備詳之

鐵弗劉虎南單于之苗裔左賢王去卑之孫北部帥
劉猛之從子居於新興慮虜之北北人謂胡父鮮卑
母鐵弗因以爲號虎一名烏路孤始臣附於國自以
眾落稍多舉兵外叛平文興晉并州刺史劉琨共討
之虎走朔方

魏書本傳又穆帝紀晉永興二年白部
大人叛入西河鐵弗劉虎舉眾於雁門

以應之攻新興雁門二郡劉琨乞師於帝大破白部
次攻劉虎屠其部落虎收其餘燼西走渡河案虎
子務桓孫衛辰衛辰之
子卽夏王赫連勃勃也

後魏神䴥元年六月并州胡酋卜田謀反伏誅餘眾
不安詔淮南公王倍斤鎮慮虜撫慰之

魏書世
祖紀

北齊河清二年突厥入境代忻二牧馬數萬匹在五
臺北柏谷中避賊賊退敕白建送馬定州付人養飼

北史白
建傳

盧太翼字協昭河閒人也七歲詣學日誦數千言州
里號曰神童及長閑居味道不求榮利博綜羣書尤

善占候算歷之術，隱於白鹿山，數年徙林慮山，請業者自遠而至，憚其煩，逃於五臺山，地多藥物，與弟子

數人廬於巖下，蕭然絕世，以爲神仙，可致其後，目盲，

以手摸書而知其字，大業時卒於雒陽。

隋書本傳

唐元和十五年四月四日，河南節度使裴度奏五臺

山佛光寺側度半見，自巳至申乃滅。

一統志引穆宗實錄，寺在縣

東北五十五里，晉縣王秉簡題詩云：雄殿壓東嶺，重

門鎖四隅，律似蟠際地，天殊樵探疑，無路覓

煙別有區，一亦歸萬象於此覺，癡愚唐大歷時，日本遣一僧靈仙行賀禮五臺學佛法會

昌中復遣僧來，宋雍熙初，僧爲然來朝貢，復求詣五

臺許之，令所過給食，後二年歸其國，齋然表謝，中有

句云：金闕曉後望堯雲，於九禁之中巖扃晴前拜聖

燈於五臺之上，就三藏而稟學，巡數寺而優游，遂使

蓮華回文，神筆出於北闕之北，貝葉印字，佛詔傳於

東海之東。

本宋史外國傳

姚孝錫，字仲純，豐縣人，政和四年登科，調代州兵曹，

就注五臺簿，金兵入雁門，移疾去，因家五臺，善治生，

亭榭場圃，富於游觀，賓客盈其門，歲饑，出所藏粟萬

石振貧乏多所全濟鄉人德之中年後放浪山水間詩酒自娛自號醉軒資質簡重喜怒不形於色棄官

時年二十九至八十三乃終著有雞肋集中州集東軒示兒

子圻詩云古人無復見但見東軒琴一鼓高山操因

廡古人心正聲久沈埋俚耳喧哇淫止可自怡悅不

須求音又春目述懷云雲散交情薄茶翻世態新

山谷詩帶獵鳥語已回春節物驚心遽邱園入夢頻

東風如解語

將郭企忠與同知州事迪里詩平之

企忠傳

大定十八年代州立監鑄錢命工部郎中張大節監

錢二十年名監曰阜通二十九年十二月雁門五臺

民劉完等訴自鑄錢以來有銅礦之地雖曰官運其

頓直不足則令民共償乞與本州司縣均爲差配遂

命甄官署丞丁用楫往審其利害還言病民多費未

見利便宰臣以聞遂罷監本金史食貨志

貞祐四年河東行省胥鼎奏完顏伯嘉屢言同西京

留守兼臺州刺史完顏琢可倚以復山西朝廷遷官

賜姓令屯代北扼太和嶺今聞諸隘悉無琢兵蓋琢

挾太原之眾保五臺剽掠耳如尙以伯嘉之言爲可

信乞遣琢出太原或徙之內地分處其眾以備不測之變宰臣奏已遣官體究且令太原元帥府烏古論德升召琢使之矣當以此意報鼎無何德升奏琢兵數萬分屯代州諸隘拒戰甚力其眾烏合非琢不可制皆鼎復奏宣差提控古里甲石倫言琢招降人謀復山西盤桓於忻代定襄間恣爲侵擾無復行意發掘民粟戕殺無辜雖曰不煩官廩博易爲名實則攘劫欺國害民無如琢者宰臣奏所遣官自忻代來云不見劫掠之迹惟如德升言便從之後琢寓軍平定

石仁塞爲本州提控閻德用襲殺

金史完顏伯嘉傳

田紫芝字德秀滄州人少孤養於外家定襄趙氏資性穎悟一覽萬言年二十讀經史子傳幾徧爲人疎俊而以蘊藉見稱貞祐初避兵臺山倉卒爲遊騎所馳遇害時年二十三士論惜之

中州集

今之武藝天下莫不讓少林其次爲佚牛其次爲五臺五臺之傳本於楊氏女世所傳楊家槍是也

樵書宋

史李全傳全妻楊妙真善槍時稱楊姑姑自云二十一年梨花槍天下無敵博雅槍法之傳始於楊氏謂之梨花槍天下甚尚之妙在手熟又責心細

元至正二十一年七月辛酉索羅帖木兒敗張士誠於
臺州詔總領達達漢兒軍馬各總兵官便宜行事

元史

本紀

索羅傳士

誠田豐偽將也

五臺山佛寺中外頂禮自晉魏迄隋唐梵宇宏麗後
爲巨賊所據寺僧悉散去忽一行腳挂單至此矢志
恢復徒步走海內結僧緣以千計約日畢至無一後
期者戮力復之名勝大地不致沒爲賊巢有志竟成
天下無難事矣

合河紀聞

明萬曆間鐵鋪嶺礮賊張守清盤踞眾至八千餘人

殺人劫掠爲縣大害後守清死賊眾解散

舊志

烈女曲秋葉靈邱人曲大保女也萬曆己丑歲饑犬
保偕妻馬氏及女就食五臺居林泉村諸生安崇德
家女年十七有姿色崇德乘閒屢挑之堅拒不從乃
爲蜚語誣以穢行女大恚自縊事發官置崇德於法
女以烈旌墓在林泉村後十餘年漸圯巡按康公爲
買田五十畝遷葬並置守冢人時封樹焉而勒石紀

其事

本舊志

萬曆二十五年天和村張雨妻葛氏一產二男次年

五月一日雪麥豆皆死次年八月隕霜殺禾大饑二十九年六月大雨雹有如孟者二十五年秋淫雨洪潦奔城淹沒民舍南城垣盡圯並舊志

國朝順治四年六月蝗

詔蠲免錢糧遣官賑濟康熙三年旱饑二十一年又饑並蠲賑如前二十二年十月五日地大震城垣盡圯壞官舍民屋壓死男婦多人

詔發銀一千八百兩散給災民乾隆三十五年八月十二日大雪晝夜及霰俱未復起歲仍熟並舊志

金節度張大節及子夢弼墓在繁縣山參政楊慥墓在善泉都右司聶天賜墓在滹沱河上明侍郎齊麟墓在城南按察王源墓在城內並舊志

趙文子祠在縣東北四十里歲以四月中旬賽祀舊志縣人張燠有著漢文帝祠在南屏山名皇圖壘俗稱山大王廟碑記

南神壘相傳文帝為代王時獵於此山歲以三月三

日賽祀舊志宋進士孫儼有碑記已見前書注知縣楊暉有冬日登南神頂詩茲補錄南山

蜿蜒來轟立俯城郭羣峯遠倚伏元氣鬱秀薄雲雨出無心雷霆時擊搏翁習窟蛇龍翔棲鸞鶴巉石相頃欹崢嶸驚欲落仄徑屈曲通恍疑五丁鑿蒼松老作鱗絕壁堅如削溪水干澗澗灣環抱石腳靈境

闕其巔飄渺見樓閣不知自何代金碧猶輝燦翠華
想渺茫龍象示寂寞烝黎遠近心走望竟如昨杪冬
雪霜繁寒暉淨幽壑朝霽快登臨曠蕩心胷廓川原
望杳靄繡陌勢參錯村煙凝古木朔風響檐鐸物狀
細可數物情靜可度天地既蕭然經綸歸滌漠

五臺有鳥名號寒蟲四足有肉翅不能飛其糞卽五

塵脂當暑文采絢爛乃白鳴曰鳳凰不如我至深冬

毛脫落遂自鳴曰得過且過

輟耕錄

金蓮花出五臺山花色金黃七瓣兩唇花心亦黃色
碎蕊平正有尖小長狹黃環繞其心一莖數朵若
蓮而小六月盛開一望徧地金色爛然至秋花乾而

不落結子如粟米而黑其葉綠色瘦尖而長五尖或

七尖廣羣芳譜

有杉叢生土人目爲落葉松又曰柴木雨餘產菌大

如斗其色乾黃是謂天花其在陰崖叢薄落葉委積

蒸溼怒生白莖細嫩者是謂地菜楊陰源詩注廣

花菜出五臺山形如松花而大於斗香氣如葷食之

甚美于鼎培天花供樂府云花非花靈根毓瑞恆

河沙披拂風露涵煙霞千巖萬壑生萌芽初生如拳

長如斗落葉松根金菌剖散去香浮切利天拈來花

滿兜羅手仙花山標縵雨花池清漣未若少華隨意
供圍可成屏飯可仙雞足猴頭品都賤侑以銀盤菩
薩綫澤及山林百卉蕃瓊枝淨域栽雲徧祥風甘雨
聖代禎天麻滋至坤珍呈華芝五色蒲九節靈葩

種種禪關生禪關生塵
世少鉢囊花萼蔓草

娑羅樹廣韻作杪欏臺山有之枝幹盤蚪高二丈許

葉皆七出亦名七葉木梵云嚒爾布嚒瓦喇斯此云

如意樹卽娑羅樹也又名月木見雲南志

楊蔭源詩注雲南

志娑羅花佛日開每朵
十一瓣遇閏輒多一瓣

傅山五龍祠場圃記云往余讀書虹巢數數過上蘭

五龍祠祠東南有余家地一畝祠僧普烈請爲場圃

許之越二年復過上蘭普烈將築牆於此嵌石其上

復請余記之時普烈適新住城之報恩寺寺龍池先

生像在焉先生當日文士死焉亭樹非其有贈答吟

什非其有子孫亦非其有余約普烈供佛之餘以香

火供先生焉烈能聽余是余以一畝地爲龍池先生

易香火也奇奇今石嵌祠內草書

陽曲縣志

鄭疇之治吉安也多惠政被劾去官而歲忽大旱吉

安人曰此必爲鄭公故也禱之卒無驗疇憫其困爲

禱於金牛寺期以三日雨又製虎頭投之龍潭炎日

中有霹靂聲移時大雨如注合郡皆徧吉安人因名

爲鄭公雨寺旁築甘雨亭繪鄭公禱雨圖歌頌者託

五臺新志卷四
之四壁有甘雨亭詩集會

上知嘻無他

命復職吉安人歡呼曰還我鄭公矣歲則大熟嘻愛民如子仍多經術卒後吉安人思之不置爰立祠以

祀之

本甘雨亭詩集序

唐志代州有五臺府東治府今臺懷東治二鎮也五代史李嗣源雁門人世爲銅冶鎮將銅冶卽東治東銅字同聲又疑於治務之所遂誤書耳正如繁峙之北樓關元史譌爲碑樓崞縣之樓煩宋史譌爲蘆

板也

竹頭木屑行館隨筆


紀文達公閱微草堂筆記云先師介野園先生嘗四主會試四主鄉試有恩榮宴詩云鸚鵡新班宴

御園摧頽老鶴也乘軒龍津橋上黃金榜四見門生作狀元不知鸚鵡新班出於何典惜當時未向先生詢也郭頻伽靈芬館詩話亦載之而云元遺山探花詞有殿前鸚鵡喚新班句野園詩蓋本此然去一喚字直云鸚鵡新班亦好奇之過也竟皆不知其爲金人張大節舊詩詩附見前書野園竄易數字爲己作

者遺山於大節爲後輩鸚鵡句正用大節語不得反
據爲出典而顧俠君詩林韶濩注又誤以遺山句爲
唐人詩曉嵐諸公或未詳閱中州集若顧則嘗選遺
山探花詞入元百家詩初選中亦漫不深考何耶
竹頭
本竹行
館隨筆

五臺新志卷四終

省城會元齋葛
刷刻



原件收藏

山西省图书馆

原件书号

24945-48

原件状况

原件个别地方有污迹

[光緒]五台新誌四卷首一卷

(清)徐繼畲原本 孫如明等修 楊篤纂

清光緒九年崇實書院刻本

十册

本部书共摄制 1 卷 卷一至卷四首一卷

版权所有 不准复印

本部书完

本片卷含：卷一至卷四首一卷